





清詩初集卷之七

武進蔣 鑰玉淵

選 後學馬道耕重校

錢塘翁介眉武原

南昌丁弘誨景呂

宜興陳維崧其年

錢塘張綱孫祖望

武進楊大鶴芝田 定

五言律

千人石上坐月

時將歸 廣陵

汪懋麟

蛟門 江都

到日偏逢雨歸時月轉明  
依依畱客坐故故送人行  
老樹空山靜蒼苔巨石橫  
翻疑秋色裏欲聽管絃聲

九日同人集刺梅園松下

吏隱逢名士清游半旅人  
江山隔吳越聚散復燕秦  
及



此花明眼須擦酒入唇夕陽容易沒葉落滿城圍

山中送客

錢繼登龍門嘉善

且作寒林聚重逢不易能雨敲秋盡葉僧語夜深燈霜雪頭俱白江山眼自青短吟聊贈遠辛苦伴行滕

月夜登岱

馬世俊章民溧陽

歇馬岱宗麓身遊霄漢間中天惟有月下界更無山石爛秦碑字松留漢時壇齊州同一氣何處認吳關

故舊

吳懋謙六益華亭

燧火遙相望旌旗日在門孤城一戰後故老幾人存夢去驚消息愁來失曉昏平生有知己今日竟誰論

秋日歸帆

繫纜芙蓉浦同人倒濁醪晚霞蒸古殿涼雨送秋濤劍珮風雲色薜蘿山月高幽懷空萬里攜手嘯林臯

禱雨

郝浴雪海定州

雪暑蛟龍怒雷門風雨開誰能真感格天自好栽培雲表金莖下人間水德回無將繁露旨漫擬沐驄杯

喜雨

敢復知今日終回天地心四空聞雨響五月見江深雷滿迎鑾市龍飛跨鶴林萬年歌有道溪墨盡甘霖

過友人園亭

徐秉義果亭崑山

幽花生桂樹彷彿小山叢香靜偏宜夜林深不受風廻欄開仄徑新月出疎桐投轄誰畱客高懷是孟公



臘日書齋小酌

吳彥芳 香爲閩縣

不欲蹉跎過今年又看梅遠山青滴檻寒草綠生堦酒  
勿緣僧戒花偏待客開窗虛舍臘意重幕暗香來

城南

梁清遠 葵石真定

清流貫雲木水際有人家頽徑侵芳草疎籬胷落花天  
晴霞散影野靜鴈依沙景物看如此行吟日已斜

俠者

柴紹炳 虎臣仁和

虬髯一老翁龍劍有雌雄對酒言如日揚鞭氣若虹報  
仇吳市裏送客薊門東平生重知己勿頸莫論功

學士港

錢陸燦 湘靈常熟

似有高人屋銀魚此處焚雨淡桑葉白春盡柳絲曛短

權衝湖合雙橋對塔分清波城下路微綠一鶯聞

息齋夜宿卽事有懷故園

王士禎 阮亭新城

夜來微雨歇河漢在西堂螢火出淡碧池荷聞暗香開  
窗鄰竹樹高枕憶滄浪此夕南枝鳥無因到故鄉

題徐半山山居圖

先生竟學道自製水田衣獨臥寒林靜故人相見稀晚  
涼松鼠落曉日竹鷄飛亂葉千峰裏行歌何處歸

頻歲

頻歲孫恩亂帆檣壓海頭傳烽連戍壘野哭聚沙洲司  
馬能清野天吳正穩流江淮非異土飄泊爾何憂

不寐

米漢雯 紫來宛平



兀兀攤書坐淡衷未可窮陰知明日雪寒是夜來風四面孤城柝三更萬里鴻因之念朋侶零落半西東

石經山

薛所蘊行場孟縣

到此褊心去廓然灑氣通高薨疑就日幽洞欲藏虹曲折忽無路虛明時有風桑乾何代水混混見洪濛

同吳六益遊忘歸巖

周令樹計百延津

久識忘歸路茲遊心倍閒秋聲吹大壑落木滿空山地僻藏猺女林喧出洞蠻殷勤吳季重相對破愁顏

洪山寺

牛奘潛子長治

金刹凌霄漢靈峰西竺來天開熊子國地接楚王臺鳳翥山形迥龍蟠江勢迴我來禮法座千劫不成灰

旅興

馮雲驤訥生代州

野店一家住柴門障柳梢驚風啼怪鳥黑雨挂騰蛟古冢荒碑立孤臺老樹交我行增感慨佩劍倚弓弣

金陵感懷

郭鼎京去問福清

愧有虛名在何當書畫船黃梅幾夜雨青草六朝煙匣底畱孤劍囊中羨一錢徒滋鄉國恨飄泊自年年

宿焦山海門菴曉望

范鳳翼太蒙通州

曉望出松扉支藤立釣磯江流何事急峰勢只思飛日末孤帆杳霜前一鴈微音光紛屢幻舊句已全非

天津東李芳洲

趙賓錦帆陽武

積水流天外茫茫萬里秋估船經島國潮響到城樓浩



蕩乾坤小奔騰日月浮蓬萊君咫尺果否有滄洲

涿州張桓侯廟

古栢寒流翠森沉晝閉扃鄉人虔俎豆戰馬繪丹青風  
怒鳴陰雨雲痕帶血腥三分遺恨在日暮衆山冥

遊蝶園次楊贊皇

王永吉鐵山高郵

白狼爭問字誰道草玄非潑墨濃雲起論詩大雅歸重  
逢國士聚不信古風微喬岳高千仞掀髯獨振衣

中秋夜長安對月有懷

陳祚明徂倩仁和

雙闕暮青青西山倚畫屏更懸明月照何處翠華停桂  
子飄仙苑霓裳奏廣庭白頭宮監在簫管夜淅聽

醉後漫興

賣賦何能活爲儒况未尊得金聊取酒擬易且關門風  
急衣憎薄沙高日易昏但應裁九辨多有未招魂

卜築

王鴻緒儼齋婁縣

卜築依南畝雲山一草堂簾窺江燕熟風暖麥花香舊  
綠沙前柳新紅野外棠黃農誰再覲耕鑿是行藏

土室

土室涼風落棲遲僮僕稀衝雲烽夜舉犯月鴈孤飛書  
劍悲殘匣乾坤剩短衣征車何躑躅多恐壯心違

雨霽早發看山

劉祚遠子延安丘

曉發當初霽羣山愜素襟雲移峯欲動日淡壑猶陰爽  
氣澄秋塞寒流亂野涔歸來應歲晚霜葉滿溪林



秋日和彭禹峰見寄

戴王綸 經碧滄州

一別龍岡後誰同倒巨觴軍書爭赤白我馬信玄黃懷  
土依茅舍平蠻幾戰場天南青瘴極無夢到黔陽

浦西書院

許友 有介侯官

古道在居村村溪還杜門雖云堅畏客靜久復開樽翠  
浥蕉三徑雨寒蔬一園布衾藤枕夢月上正黃昏

涉海螺山甕子洞明月菴諸灘

江闔 辰六新貴

懸崖引纜上怒浪擊沙鳴快日峰纔過娛情石又生疎  
林幾屋出幽澗一橋橫逸興為驅發塵勞覺頓輕

穿石洞

石穴疑疏鑿神功此較稀溪能容月入狹不得雲飛水

落通樵徑花明得釣磯山翁知選勝相伴結柴扉

維舟

葉方恒 學亭崑山

路出中峰晚維舟宿虎丘入門山在寺坐石月當頭客  
子更闌語佳人夜半遊不知何處笛風送最高樓

九日直舍卽事

金之俊 息齋長洲

升高趨直舍令序正重陽鷺翮乘風健寒雲帶日涼菜  
香盈隴陌菊氣繞巖廊喜傍恩光重無煩佩紫囊

送蔣馭鹿歸吳

傅修 自生南昌

馮水論心日春風送別辰可當中夜月獨照倦遊人懷  
軸寧希遇敲枰會有情程材先蔣琬故是漢廷珍

渡濰水

曹貞吉 實菴安丘



清言初集  
聞道韓王霸遺蹤尚可求橋橫殘照出雪壓大河流斷  
岸餘衰草寒風上做裘雄圖今不見匹馬慎淹留

竹署卽事

張鳳翀六部中郎

縣小無城郭民殘減簿書一庭茅不剪八口虎同居野  
老供紅粟溪兒餉白魚荒堦堪種菜雨後欲教鋤

送春

蘓良嗣籍公遼陽

武陵誰選勝浪說避先秦改序聽啼鳥流光送遠人豈  
今無樂地但我少閒身願乞棲林壑芒屨伴幅巾

聽箏

牛 彝器六長治

垂楊翠黛橫飛箏送新聲塞上征魂斷閨中別夢驚淒  
清音乍起縹緲韻偏輕欲向嫦娥訴閒月傍月生

采香徑

嚴繩孫孫友無錫

吳宮種香處數里直如弦玉腕曾安槩金堤此叩舷烏  
啼垂柳露人臥落花煙欲問當年事漁歌荅采蓮

春後再過山中

春事隨人倦池臺再至時暗山聞布穀溪巷落荼蘼疾  
雨侵衣過殘絲滿徑吹何當買煙舍白日臥疎籬

西施山

陳肇曾昌箕長樂

聲名傳此日歌舞教當年香氣通泉澗秋容逝水天但  
畱一片石如泛五湖船芳草吳宮遠淒涼噪暮蟬

悉沈雲升中丞始末志感

倉卒無全計相從地下遊焉知秦世界空著晉春秋人



自歸同穴山為觸不周他年遺史筆感慨遡風流

晚眺

沈

謙去矜錢塘

川原望不極孤客自登臺落日大荒遠平沙秋雨來青  
門生事渺白石壯心哀歸思西風後空憐作賦才

客燈

董以寧

文友武進

黯黯孤檠在由來照獨愁光陰同是寄形影暫相留映  
壁侵長劍窺囊笑敝裘那堪鄉夢醒明滅五更頭

襄陽雜感

襄國賢王最當年事已非寢園龜兔窟宮殿亂鴉飛漠  
漠斜陽壘蕭蕭大將旂曾塗肝腦處草色怪偏肥

再入立陽道中

謝天樞

星源侯官

何當重過此我反喜殊遭虎爪攫船厲猿聲入枕高瘴  
雲蒸襍被驛路老旌旄山水應無恙堪憐是髣髴

湖亭讌集再送閣公

駱復旦

叔夜義烏

痛飲當殘夜淒涼雨雪天客居愁歲晚惜別為情偏雲  
淨千峰出裝輕一劍懸明朝江口望誰是孝廉船

咏茉莉

錢朝鼎

黍谷常熟

對此庭前植繁華發興新燈毬南海夜樓閣虎丘辰此  
素寧無偶司香別有神晚霞凝十指小摘最情親

計子丙文以新詩見贈率爾奉荅

徐

鈞

電發吳江

自我傷搖落年年畏及秋忽傳書扎至窗下正梳頭平  
子愁難賦相如病未休瑤華空有贈一語未能酬



九日山行

龍光二為望二

一騎衝寒出城頭挂夕陽風微雲脚懶月上馬蹄忙山入三秋瘦花爭九日黃牧人歸犢晚吹笛過橫塘

秋日過賈氏別業

梁清寬敷五真定

秋氣橫園樹蒼茫一逕開晴溪魚動日淡院鹿眠臺石淨因風掃花飛逐鳥回登臨堪極目好句自相催

北邙山

張習孔念難歙州

彌望千墩錯凄然古北邙暗聲穿雜棗酸照下疎楊白骨豪華盡青山歲月長野童都不曉高唱暮驅羊

棧道

欲探雲生處同行共怪啞攀蘿人作鳥失路馬為師調

指絃巖溜敷跣幕壁絲山靈應不恨千古一相知

遊雲門

姜希轍定麓山陰

春遊初過雨樹杪百泉分淡柳喧時鳥層巒積暮雲浮觴幽賞足連袂踏歌聞晉室多名彥蘭亭憶右軍

嚴陵山

張英敦復桐城

千嶂桐廬道清風幾溯洄不知天子貴猶是故人來垂釣本無意披裘亦浪猜翻嫌人好事高築子陵臺

鏡湖

賀監歸來地菰蒲起夕陰逢人曾解佩垂老已抽簪盛事誰能繼高踪未可尋鏡湖分一曲方見主恩深

江舟阻雨

張天植蕩林秀水



積晦違時序雲霾又石尤晝陰孤艇暮暑雨早天秋人  
事風煙盡江聲今古浮此生何所著萬物一虛舟

送友之采石

余懷滄心

亂離頻送別杯酒最關情往日愁中過新秋江上行片  
帆湖海氣兩岸鼓鼙聲細雨高樓外看君度石城

早行

李贊元滄園

同是南歸意晨鐘催早行曉歌侵夜夢月影照江聲露  
白疎櫂溼風高流水平堪憐舟子意談笑片帆輕

有感

歐白滄生

憂時良獨苦風鶴每驚魂厚祿歸庸輩艱虞遺至尊乘  
潮無緩權帶月有奔轅草野空畱憾西山老逸民

從軍

任光復東頭

遼落蕭關外陰風萬馬肥至今勞北顧何敢念東歸列  
戍傳金柝寒沙臥鐵衣戰場春不到白雪作花飛

慧山觀泉

孫一致止瀾

盈盈纔尺許不絕日涓涓寒濯空山月清涵午夜天萬  
家分挹注一勺自淵泉碑碣孤亭在漪瀾勝蹟傳

王大司馬玉銘予告馳驛

陸光旭鶴田

海內安危倚鵷班三紀分魏公會定策司馬獨知軍勁  
節畱青史丹心付白雲山中今有相國是尚憂勤

送友出都

富鴻基雲麓

歸與豈倦遊驪唱出皇州燕麥迎車早鶯花入眼愁雕



龍名藉甚射虎事堪求別後還相憶春深人倚樓

喜晴

周體觀

伯衡 遵化

久雨憎人意新晴喜不勝振衣隨步屨曳杖過溪塍江  
鶴得無事林鳩自可憑春郊能幾日麥浪已層層

客燈

吳興祚

伯成 清河

天涯無定處旅况與人同明滅郵亭外依稀古道中影  
搖千里夢花綻五更風遊子登途去回眸一線紅

過韓侯嶺

葉映樞

蒼巖 上海

一上韓侯嶺征輶俯落霞空山無鳥雀上穴住人家石  
壁曾翻錦秋風慘不花王孫歸已晚惟見夕陽斜

鄴城弔古

屈大均

翁山 南海

四野秋風白荒涼馬不前歌臺餘蔓草戰壘在寒煙興  
廢雖無定姦雄自可憐空令銅雀妓畱恨綺羅邊

鴈門秋望

白草黃羊外時聞虜築哀淒涼蘇武廟慘澹李陵臺風  
助羣鷹擊雲隨萬馬來關前無數柳一夜落龍堆

魯連臺

一笑無奈帝飄然歸海東誰能排大難不屑計奇功古  
戍三秋月高臺萬里風從來天下士只在布衣中

揚職方奉使安南

孫光祀

作庭 平陰

持節須人望煌煌使命新御筵陳海陸賜服耀麒麟布  
德皇靈遠開誠異國馴帝心欣有託莫漫憚烽塵



妙光閣遠眺

郭士璟 梅書江都

放志向天外誰知鹿苑遊遙峰無匿樹鄰寺不藏丘四野平花氣孤雲就屋頭登臨何限意落日大江流

題萬年少隰西草堂

顧夢游 與治江寧

山色過淮少漁風出浦多中林閒白板高岸隱黃河抱膝思當世聞歌喚柰何齋心真佛子只此未消磨

束裝

陳玉璣 客園武進

客裝隨處束一夜一番新書篋從顛倒衣裘任苦辛饑憐奴僕問窮到旅途真剩有詩文在蕭蕭伴此身

夢家

只愁難得睡有夢定還家真訝風煙異何曾道路賒堂

前萱草長原上鵲鴿斜更覺歡娛極江村處處花

草坪泛小舟至松滋縣

粘木盛 質公晉江

解鞍輕泛權物景恣沿洄鷺隱驚舟起荷平臥水開綠灣雙岸斷青迭一峰來暫得悠悠興渡頭且莫催

暝色

許承家 師六江都

暝色連荒野三秋不肯明黃雲低燕雀白日暗戎兵親老寒煙路兒啼積雨聲羈愁還自慰宿衛已南征

過東西二梁山

中流開絕壑巨石鎖乾坤龍虎風威動江湖戰氣屯兩岸關地軸千古說天門誰失東南險登臨欲斷魂

曹少司農秋嶽備兵雲中

李因篤 天生富平



卓絕登庸籍優游侍從班觀風臨帝室抗疏洞時艱綵  
仗鳴驄去金貂貰酒還恩情中道阻不惜老朱顏

友山園病鶴

杜世捷武功黃岡

竭力畱春住招攜得晚晴頻來花有約偶與鶴相迎病  
翻猶能舞孤懷不肯鳴臨池還照影余汝最關情

三疊泉

李滢鏡月高郵

鴻濛流不盡千仞濯芙蓉亂石蹲青兕飛濤撼螯龍銀  
河停更落雲氣斂還封何幸晨光霽尋源入萬峰

攝山有月

十里棲霞路黃昏信短筇微雲消永夜片月上中峰明  
入寒泉水香生古殿松祇聽萬壑外寂歷度疎鐘

吳山

毛先舒稚黃錢塘

我陟吳山頂東南古宋都鳳凰鳴不得翊翅臥平蕪雲  
近誰能狎天高或可呼孤吟不盡調畱恨與江湖

自語

餘身側天地雪爪歎飛鴻夢憶寒潮信哀生牝壑風饑  
來能乞食愁絕不書空訪道何辭苦嘗迷七聖中

李侍御召林以諫言謫信宜令

董訥默菴平原

先生今謫去執手復何言涕淚無他意雷霆總是恩千  
秋存大節萬里共荒原早晚還驄馬丹書下海門

金山示淮商

姜圖南真源仁和

送我金山上憑高吳楚間情淡關社稷官去老容顏鹽



鐵今如法鷄豚利自刪江流千萬里空自有躋攀

宣府

宮夢仁

定蒼泰州

層巒纒一線入望萬家封雉堞連雲出龍門射日重雄  
藩空列戟悍卒習傭春悔盡東南力當年未息烽

晚登吳城望湖亭

高詠  
阮懷宣城

欄前流不盡廬岳倚天青歸鳥沒千嶂羣江抱一亭波  
寒星歷歷霜晚樹冥冥水畔停舟處清砧竟夜聽

孤山

濮宗  
澹軒桐鄉

攬勝湖南寺先登處士山一筇支犖雙屐老蹒跚荒  
塚梅魂積空亭鶴夢還最憐清淺處月落掩松關

園居

小屋真如舫菰蒲隱釣磯平橋烟水曲僻境野人稀樹  
裏重巒出天邊獨鳥飛蕭然餘半榻畱與白雲歸

燕子磯阻風

翁祖望  
涇公錢塘

濃霧日初收征途阻石尤鷁縣京口信鴈帶秣陵秋一  
葉功名小千年興廢畱河山猶在眼風浪使人愁

舟泊沙洋夜大風雨

李鴻  
青立鄧州

淡宵愁旅泊風雨更相催岸坼蛟龍怒江鳴天地哀孤  
舟同葉墜巨浪捲山來一夕窺霜鬢驚心知幾回

宿閩坑寨

陸求可  
密菴山陽

石寨壓閩川更籌徹夜傳疎星芭欲動新月影猶懸峽  
冷鼙鼉竄雲滾虎豹眠中宵頻起坐秉燭擁寒氊



曉渡揚子江

丁 煒 晉江 煒水

飄蓬看日出曉色一江淡京口望中斷瓜洲雲外沉微  
茫輕世慮浩蕩見天心古寺中流迴虛空落磬音

春仲至瑤席池

羅 坤 弘載 會稽

三載君中客當春策杖登花明上下嶺雲護往來僧曲  
徑迷蒼蘚層崖掩翠藤坡仙畱憩處一借讀書燈

拜孫太初先生墓

蕭然高上墓一徑薜蘿淡荒碣存名姓空山自古今泉  
聲寒又照鳥語落春陰不盡招尋意詩瓢挂石林

湖署晚晴

楊大鶴 芝田 武進

雨歇延孤眺煙光斂夕曛黛含江郭樹青溼楚山雲砧

響參差落漁歌斷續聞松間盡昏黑棲鶴自呼羣

園坐

又值梧陰好相思入翠微坐看禽鳥意閒臥薜蘿衣竹  
籜因風掃溪魚帶水飛孤城臨草際目送白雲歸

燕子磯

俞廷瑞 雪巖 奉化

茲磯一何幸遊屐喜同看帆影迷煙色漁簑隱渚寒樹  
從巖內老燕踞石中安恍入烏衣國乘風振羽翰

中秋京邸

鄒祇謨 程村 武進

此夜長安月清光十萬家吳歌聞隔院邊調入征笳北  
闕橫秋色西山隱暮霞故園叢桂樹應發昔年花

阻阿城



迅飈催權疾漕舸滯東阿秋涸蘋花水人思瓠子歌饑  
鳥啼野岸寒鷺宿官河舴艋輕如葉揚帆未敢過

初掃密菴舊築

李模灌溪吳縣

昔日淡淡意今依幻住身蓬蒿迷若醒竹栢故猶新小  
得蜘蛛隱虛惟鐘磬鄰掃龕迎古佛乾國備遺民

過張司空依水園

王嗣槐仲昭仁和

散步臨秋陌山亭亂石高人來雪苑爽酒到竹林豪疎  
柳飛纖月長松落細濤白雲王屋近彷彿聽仙璈

望高郵湖

莫大勳魯巖宜興

水濶欲低天凭欄思渺然村煙遠近合樹影有無連岸  
斷濤聲激帆輕風力堅閒鷗驚起處幾點捕魚船

春雪

申涵盼隨叔永年

曉起色冥冥鄰人戶半扃冰花迷徑草簷雪透窗櫺就  
暖爐依膝啼寒鳥聚亭皓然天地白已有柳條青

蓮心

陳台孫階六山陽

秋風吹敗葉華實幾曾刪盡委泥中節誰憐水上髮蕭  
條子意苦廓落衆心頑寄語濂溪子徒勞種碧灣

慈平曉行

李柟本菴興化

空山涼夜發列戟滿荒墩野曠悲無侶鷄鳴喜有村層  
峰秋霧合亂樹曉雲屯策馬高岡上蒼茫千里昏

江舟風雨中率成

胡在恪念蒿江陵

不作煙波客焉知江上愁半帆黃鵠雨千里洞庭秋惆



恨一離別蒼茫自去留空囊輸碎璧何事怒陽侯

吳門寓中偶成

王揆 芝廬太會

歷亂花時節無端閉草堂山光因病失雨意為愁悵宿  
鳥下僧磬孤燈背客牀城頭聽急鼓鐵馬度金閭

水山

王曰高 北山在平

競道水山好今來果勝遊翠屏千疊險青栢萬行秋孤  
塔干雲峙幽泉傍礪流山僧拾異草贈我滿籠頭

望晴

蔣墳 寅升武進

病起開林薄人傳何處晴山川殘照急風雨壯心輕有  
婦啼寒食無田勸早耕家家春社散擁膝聽鳩鳴

過大梁

夷門舊遊俠未許厭風塵雨白梨花暮沙黃柳葉春嚴  
更天不曙獨客路隨人誰復憐才者驅車西去秦

春雨遲友

顧豹文 且菴錢塘

車馬紛紜地煙霞且自閒僧留魚子過人寄藥苗還石  
路從雲濕松扉為雨關凭軒曾久待的的望南山

酬范睪生客清溪

徐倬 方虎德清

秉燭對更闌相尋惟古歡俗情輕縞帶吾道愧盤餐閱  
世枯松在窺人片月寒勿嫌同寂寞君笠我漁竿

經故里

龔賢 半干崑山

歸來非遠客下馬淚雙垂故里宛如昨居人知是誰難  
逢耆舊語喜見兒童嬉喬木何年代傷心明月時



胡介再過邗上

相逢知不易一拜淚潸然此地又春草吾生俱暮年囊  
空出詩卷厨冷動炊煙耆舊今誰在樽前應自憐

左蠡阻風

熊正笏元獻漢陽

左蠡山前泊孤帆鴈影過風來湖上冷濤入夜濶多岐  
路消樽酒鄉心起權歌旅懷愁易亂明日更如何

函關

碓口容車騎封泥擬彈丸東來無紫氣西去有長安雲  
自山中出花從洞裏看昔悲盜賊入空負此巒岈

同松友雨後小集

李贊元望石登州

乘輿登樓望蒼茫細雨時游魚窺短草帝鳥集滾枝嫋

嫋山雲起輕輕柳露垂看花夕照後暉落滿前池

奉老父登季弟問琴樓

倚鄰度翦除竹樹

丁日乾漢公泰州

善飯心能遠重登花萼樓同時諸老健繞膝一兒遊松  
菊無人掃柴荆與客謀殘陽生愛戀白髮又經秋

湖樓獨坐

何曾懷抱好對久若閒僧暝色含諸岫煙光泛一燈夜  
淡雲更出人靜月初升正使歸期早此心忘未能

歲暮

項景襄眉山仁和

一徑何蕭瑟沉雲晚色蒼還招仙客醉那共世人忙洞  
口花連雪城南鴈帶霜不憐歲事寂遠屋有清香

丙午除夕題任丘客店

喬萊石林寶應



忽忽一年盡勞勞萬里人客中誰送臘馬上又逢春  
節慚遊子寒宵夢老親長安明日近宮柳幾條新

南昌

周廸吉 東岡太倉

百年形勝地過客動悲思鹿走寧王殿鴉啼劉綖祠  
波濤豐劍去風雨鐵宮移只有章江水蒼茫到此時

懸軍

唐世徵 魏子湘潭

懸軍轉劇邑斬竹列營房淺草春肥馬寒城火獵狼  
屢傳燒棧道又報遣名王尚肯遲明發分符自有疆

晚過長干寺

方孝標 樓岡桐城

晚散登高侶臨風獨自閒蕭然黃葉寺隨意夕陽山  
雨載三秋氣江垂六代顏中天懸佛火伴影落人間

秋感

汪鶴孫 梅坡錢塘

病起獨登臺秋風白鴈來銜杯愁不斷看劍老相催  
宿霧疑藏日空潭忽起雷遐方誌災異身愧救時才

過懸昭上人將寄懷安賓王

法若真 黃石膠州

巖徑通朱閣鐘聲敲午餘涼非多種樹閒不更畦蔬  
看月東山石懷人北海書以貧諸客廢瘦馬到門初

朝來

劉逢源 津逮曲周

朝來天氣好倚杖一長吟竹色埋荒沼山風度遠砧  
石奇存畫意琴靜寫秋心清暎知何物淒涼鶴在林

遊趙園

華 袞 龍眉江都

取次遊人集朝朝畫舫過自然聞鼓吹不用買笙歌  
老



樹支頽岸方塘疊淺坡灌花遲歲月天地奈君何

送陳其年歸宜興

行盡淮南路荆溪是故鄉鴻飛半江月夢壓一船霜歲酒催春至梅花笑客忙還家對妻子高臥讀書堂

江漢石紫薇山館

顧宸修遠無錫

蔣逕多幽竹園門客到開層樓凡數上老樹有千枚黃菊齊書幌青山落酒杯主人意疎豁相對坐莓苔

墨妙亭

陸進蓋思餘杭

一亭臨水際虛敞氣氤氳紫兒藤花落青知籜葉分雲光古壁畫鐵色斷碑文仰止孫莘老婆娑坐夕曛

雛燕

楊繼芳延仲南和

新巢未幾日雛燕已毛豐嘖嘖如思母翩翩欲舞風知幾或遠害守分可全終莫道依人好人情自不同

定州

宗觀鶴問江都

後代蘭亭本專尊定武軍臨書不可見捫石慰空聞泉響松屏雨山疑竹塲雲宋朝高望塔一半蘚苔分

邯鄲黃梁祠

此生夢裏事憶殺醒時人生去留遺像津梁疲此身牛車空擾擾鼠穴亦紛紛我揖仙祠出呂翁何處尋

雪晴

鄭重山公安

旭日遲遲上春城散曉陰清光浮几席霽色動衣襟沙暖蒼煙薄花明翠靄淡登高聊適興絕勝灞橋吟



舟次姑蘇贈別謝傅公之粵西

千金此一夕痛飲且狂歌方情關河別其如天末何風  
高銅柱表春暖麗江波欲繼文翁事何須戀薜蘿

元夕

吳 麀仁趾 歙縣

貧家無令節勝地有柴門不信兵戈後依然鼓吹繁盤  
餐從婦儉燈火任鄰喧轉覺春陰好霏霏雪滿軒

題錢聖月荷鋤圖

周斯盛吧公 鄞縣

如子堪貧賤淡山托荷鋤身真同草木跡欲混樵漁白  
髮孤根在青山舊夢初眼中空浩蕩蓬徑孰相於

北固

蔣玉立亭彥 嘉善

一徑來峰頂松濤萬壑歸披荆尋虎穴倚杖數鴻飛紫

氣隨南極青山挂落暉閩天愁騁望鳥道重欷歔

江行

趙文照鐵源 膠州

天氣行來晚扁舟下遠汀林深隱微火岸闊點疎星靜  
夜三更冷長江一氣青欲尋人處泊戍鼓亂津亭

草涼驛曉發

王 穀椒郤 江都

草店抱橋低疎花間竹堤山雲侵夜榻石火濺霜蹄客  
况銷村酒鄉心切曉鷄朝來新雨後添得水平溪

鴈

八月蘆花白依依宿水濱千山飛曉月一字寫寒雲影  
落湘波動風高碧漢分南樓聲斷續少婦不堪聞

安南卽事

張玉書素存 丹徒



鐵騎昆明道戈船粵水西諸軍催轉戰天意罷征鼙象  
飲蠻江靖鸞飛浪泊低須知尺一詔不異下金鷄

驟雨

羅人琮紫蘿  
桃原

朱明當肆暑好雨洗煩煎日隱方來際風生未到先微  
聲蕉始發湍勢嶺俱連竹翠垂垂滴幽人便一眠

登石龜山混元峰青牛道士  
傳道處

史玄弱翁  
吳江

龜山環嶺處劈石混元峰有路皆通虎無松不起風寂  
寥魂靜後感歎坐淡中道士傳何事青牛此未逢

送郁光伯備兵漳南

魏學渠子存  
嘉善

新出含香署高軒不可攀旌旗弭越水橘柚接閩關天  
遠邊鴻度風清戍騎閒思君如九曲長繞武夷山

擬杜曲王將軍宅夜聽歌

許承宣力臣  
江都

朱戶吟初徹青尊興更繁不堪金甲地還有玉人存笛  
奏啼猿歇衣迴宿鷺翻誰知驃騎宅歌舞是君恩

憶去秋同八弟登岱嶽

王無忝夙夜  
益津

去秋秋八月與爾有山緣放眼看齊域穿雲入魯天峰  
從脚下落日向杖頭懸壁上多書篆模糊不記年

兵中得還白門和青溪  
太史韻

程邃穆倩  
歙縣

敢用遼東隱先除蝨癢言無方不戰伐何處是乾坤造  
物巧難測無家恨獨存昔人工處變大笑服鉗髡

寒夜河上居讌集

星月誰呼動鴻音天宇搖飛來何處屐韻入廣陵簫老



清言不集  
樹高年臘寒霜變酒瓢自從知混沌滄海任塵消

山右歸酬蔣玉淵

李鴻靈厚餘新城

連朝雨不歇曉日喜當門花展盆梅萼雲歸嶺樹村中秋回上黨十日約平原籠底慚巴句憑君與細論

同陳謝浮天壇觀射

嚴允肇修人秀水

立馬園丘地相看試角弓絃開燕嶺月矢帶雪山風野外雙鵬落池邊百騎雄桑弧吾有志應語故人同

燕臺送黃天濤歸海陵

彭師度古晉華亭

君向江南去長安柳作絲玉臺催句早金勒踏花遲三月連鄉夢千山入酒卮還家定相憶鶯喚夕陽時

古屋

梅磊村司石宣城

古屋松杉蔽行人到始知竹香疑麝過花弱畏蜂欺水堰流仍細雲根靜不移卜居倘就此朴野更相宜

一葉

一葉平湖上環山送好風密蘆藏子鴨淺蓼下賓鴻僧磬雲巖外人家夕照中權歌聊取醉前路杳無窮

偶集朱錫鬯寓有贈

葉舒崇元禮吳江

狂客樽前醉持杯冶笑同旅愁絲竹減逸興露華濃紅豆銀箏隔青山錦字通夜淡忘漏盡花影自朦朧

青梅

吳本嵩天石宜興

在葉全疑葉傾筐復墜筐纔看開處白又釀熟時黃爽氣分榮鼎清風勝蔗漿得君消晝永忘我黑甜鄉



郊外看菊

招隱平生志何年遂卜鄰  
橘中應漢叟門外即秦人  
溪路霜螯綻山家醪酒醇  
繞籬看未足斜日墜蒼旻

尋天台山

林小眉侯官

遊情匪不適相與論神仙  
午枕花風外暝鐘蘿月前  
一青山蓋竹萬白水籠煙  
井竈皆寂寞何心問葛玄

秋病

葉封慕廬黃陂

幽壑常相見茅齋久在茲  
梁泥傾燕壘梧葉碎蟲絲  
愁覺秋聲早饑嫌穡事遲  
苟安非得計戎馬欲何之

菊徑

錢肅潤礎日無錫

未歸先種菊南市即東籬  
豈謂澹相似偏于隱更宜英

方從露掇性不受霜欺  
况遇幽人賞陶然共酒卮

荷亭小集

周啓騫立五宜典

簾捲傍斜陽風迴一水香  
篔簹紋晴雨潤紈扇暮雲涼  
素液傳冰盞清謳繞玉梁  
天涯城市裏咫尺到瀟湘

友遊西山歸

胡兆龍宛委山陰

一問登山客山容近若何  
爲言青嶂裏幾處白雲多  
弱草應繁席流泉足放歌  
杏花香十里定已百迴過

旅懷

黃中琰僧岸晉江

漫道文章賤酬金足一斤  
荒蕪沽酒地寂寞看花辰  
自失南溟路虛充北海賓  
杜陵青瑣客竟是布衣人

宿遷道中黃河水決

巫之巒巒釋蕪湖



河患何曾息年來勢更狂涔蹄成巨浸蟻穴忽宣房麥  
秀洪波裏民棲古道傷心嗟鴻羽肅百感對茫茫

巴陵萬碧山中秋對月

文果 園公長洲

斂霧波光淨連山戰氣浮荻花麋子國煙水岳陽樓月  
出神鴉散江昏漁火流迢迢鄉思滿佳節不勝秋

春望

羅世珍 魯峰漢陽

萱砌縈新綠桃林裊曉紅去年雙燕早隔水百花濃頗  
羨巖棲僻如聞杼柚空鶴糧思二頃勿負北山翁

過井陘

梁允植 治涓真定

背水當年事登臨感慨深幸成韓信績空負左車心殘  
碣畱名姓寒雲變古今遙看拔幟處敗葉滿秋林

紅樹

秋容方寂寞喜爾絢芳華故豔飛霜後偏宜落照斜洗  
粧含夜雨弄色妬春花萬樹空山裏翩翩亂彩霞

銅雀臺舊址

杜鎮 子靜南宮

霸圖今已矣指點說高臺古道畱殘碣秋風到客杯行  
山雲外出漳水鄴城回寂寞西陵上年年鴈影來

冬夜小集

林鼎復 天友福清

但醉無他事吾生得已奢寒畱前夕雨香入後園花雲  
重鐘聲溼燈微劍影斜長卿常病渴竹裏喚煎茶

琴川舟次和蔣玉淵

客散歸城市舟移罷酒杯風來雲乍失天曠鏡初開鴈



帶邊聲過秋從別思催多情今夜月長送權歌回

漫興

嚴曾集餘杭

蕭瑟此登臺西山爽氣開千峰黃葉落萬里素書來慰  
藉慚知己漂零自不才南征舊同學一一棄繻回

避暑

傅感丁雨臣

靜地堪消暑携尊向小園竹光垂沼綠鳥至覺花翻興  
到真成賞機忘羨野鴛炎情知頓豁于以徹心源

松雪

丁耀亢野鶴

不借苦寒力安知丘壑尊龍鱗因凍起鶴骨帶冰蹲萬  
木憑歸宿孤陽正鬱屯茯苓千載事天地鍊精魂

客中清明逢初度

久客嗟遲暮勞生歎物華身名殘夢裏兒女各天涯草

綠王孫道花明處士家高堂應繫想春酒負流霞

故鄣曉騎

朱爾邁人遠

明月照霜蹄衝風問路西林荒淡臥鹿天白遠聞鷄客  
影分珠勒鄉心限玉溪轆轤三尺劍看吐氣如霓

較射

風暖角弓柔平沙控紫驪聊舒萬里目不作五陵遊鏃  
暗連雲墜雕飛雜雨收書生非燕領黑髮愧封侯

曉渡曹娥江

趙雲山子

日映山容紫川迴露氣清銀濤天上渡錦纜鏡中行精  
衛畱遺廟馮夷擁翠旌此時徒極目放權不勝情



亦園雅集和李湘北學士

馮源濟胎仙涿州

柳陰疑處士草色憶王孫不謂元臣墅還同仲蔚門繞  
堦分藥圃新水漲堤痕此日傳觴處占星聚一村

虎丘僧舍玉蘭

王攄虹友太倉

古樹何年種名花淨域開紛披映山閣爛熳傍經臺素  
艷凌空出殘香拂袖回泠泠鐘磬裏飄向下方來

病起懷楊序玉

許之溥庶菴武進

不惜一生淚為君成苦吟棲鳥驚未定落葉怨何深百  
計知吾拙三年見汝心明朝溪水上定見素絲侵

散愁

朱耀先友銅潼川

王粲何濡滯嚴遵強應酬下簾先讀易懷土一登樓素

有履霜操今無禦雪裘人間純逆境似與道為讐

廬山九奇峰頂

九奇更淡遠九十九盤來雲色淡于水泉聲響若雷日  
中間叫嘯天外挿崔嵬尚有六朝木天年賴不才

泰岱

王國璽海印侯官

泰岱千盤上青霄有路通垂天雲似翼浴日海如虹孔  
子登臨處吳門匹練中曾傳七十代于此告成功

遊清涼寺至羅漢洞

孫暘赤霞常熟

衝煙入樵徑怪石挿峰前雲氣常在地濤聲忽自天山  
花迎日晚溪樹得秋先洗鉢何年水空潭月正圓

長安春望

林仲達姬士侯官



帝里韶華動幽并暖乍廻遠山橫雪曙麗日蕩春來試  
獵頻揮騎調箏共藉苔液池芳樹滿宮鳥報花開

寄蔣俟齋致慨

高 兆 雲客  
侯官

伊昔琴樽地如今屠狗家青山空向閣芳樹自飛花物  
理應遷次交期足歎嗟題詩爲報與知爾惜年華

薄暮隔江小泛

彭 年 鴻叟  
無錫

隔岸尋幽賞滌波一槳斜菴扉迎落日江壁老殘霞買  
泊遙成市輕航半是家且將杯酒盡城近有鳴笳

襍詠

王士驥 苑西  
新城

鬱盤山色裏放話對斜曛磴曲皆平路松多每亂雲逢  
人連雨到掃葉隔林聞精舍僧寥落庭前散鳥羣

海淀

田種玉 公琢  
宛平

清秋人意豁引興到郊西金谷昔輝映濠梁今品題揀  
天石劔蠹拂地柳絲齊靜悟疑身隱荷香滿袖携

懷張五洮侯

董 愈 蒼水  
華亭

乾坤愁莽互何地着斯人雙屐吳山雨孤蓬楚澤春定  
多携酒處誰伴苦吟身莫動秋風感湘湖亦有尊

送友人南還

王材任 滄人  
黃岡

步月清宵立誰人不憶家如何長道路只恐負年華秋  
近宜栽菊歸遲正剝瓜父書還滿架莫惜寄侯葩

竹

胡介祉 智修  
大興

勁節稱君子凌空傲歲寒清陰深院宇新翠上闌干踈



葉凌風亂斜枝帶雨攢衛公佳致好日日報平安

喜季貞弟至

丘象升曙形山陽

幾載虛姜被今來竝旅人對餐疑是夢久語却沾巾兵甲湖南滿鶯花江左新弟兄憐契濶詩句見情真

旅店和沈繹堂先生韻

李興祖廣寧鐵嶺

十年常作客旅舍暫為家古道多殘柳荒村正落花風微溪水靜雲淡夕陽斜行路難成調銜杯送晚霞

皖江雜咏

邵庚橫庵錢塘

山連桐柏起城接浦湓開楚塞千流合中原萬馬來牛磯潛鬼物蜃氣入樓臺鎖鑰關南北風煙亦壯哉

馬

毛萬齡大千蕭山

千里飛黃遠崇朝冀北空珊珊星隱樹肅肅草隨風苜蓿迴隄合煙雲信足通天衢應在眼嘶入杏花中

拜米元章先生墓在黃鶴山下

汪耀麟叔定江都

為貪黃鶴勝埋骨此山根古墓碑猶在荒祠像獨存霜花迷草路日色冷松門海嶽魂何處空思奠酒尊

由鶴林寺至竹林招隱道中作

鶴林南去寺處處隔煙巒窄徑臨溪險高峰欲上難人行翠微裏僧隱白雲端一路楓林好停車細細看

甓社湖

陸舜吳州泰州

天入秋冬際蕭蕭木葉波帆隨飛鳥盡岸倚白雲多水氣生空雨晴光點亂簑神珠猶在否一櫂夜經過



由馮公嶺抵括蒼作

周

綸鷹垂  
華亭

雲氣晝冥冥山深虎豹垆嵐光疑曉霧獵火亂寒星地  
自飛泉白天由密樹青窮荒開郡國次第入郊垆

讀杜詩

蔣遵路

路然無錫

千古少陵詩吾儕共習茲身如遊楚蜀跡與並艱危考  
信唐書在淵源梁選知空言比稷禹每誦不勝悲

楓林

龔百藥

琅霞武進

楓林羞自碧顏色為誰紅花換三秋葉雲吹萬壑風飛  
聲仙兔迴清夢野鷗同指點浮槎在樓臺半蜃宮

舟發鄂渚

甯

益賢穎州

歲暮三江路人輕萬里舟楚宮口西下吳苑水東流風

靜漁心喜雲高鴈影秋詩成雙櫂遠回首問仙樓

秦園

孟亮揆

端士長洲

蓬門荒蔓草蕭瑟此重開寒色侵江柳春光逗早梅敲  
窗木葉下窺客野禽來石磴堪畱坐何人埽碧苔

香泉

王紫綬

蓼航祥符

到寺方逢塔門遮數百峯澄泉孤月吐疊嶂晚雲重澗  
響傳餘磬窗寒集亂松朝來絕頂立獨有遠公從

贈蔡孝廉

何處移家好江鄉盡戰場璽書存趙尉鐵騎擁滕王二  
水雙龍合千巖一鴈行論衡吾自秘今欲付中郎

挂帆

田茂遇

鬲淵華亭



清言不集  
最苦風波惡今朝喜挂帆野煙浮漠漠江燕語喃喃客  
路畱雄劍鄉心寄短鑱歸與清夢好秋雨桂花崑

鎖江樓晚眺

曹亮武

涓公  
立典

日落上江樓山山水面浮紅霞還照客明月出吞舟鴻  
鴈凌秋急波濤入夜收琵琶今寂寞回首舊風流

延令溪寺雨中作

白夢鼎

孟辛  
江寧

暮雨暝高閣溪雲釀夏寒許多芳草恨偏向晚山看新  
水魚兒綠疎林杏子丹過橋人不見寂寞望中還

貧女出嫁

楊

弘景夏  
青浦

燦燦星河動蕭蕭赴吉期削荆簪鬢髮炤火畫雙眉有  
妹從牽袖無親爲結褵空庭何所列明月冷花枝

甲子除夕前三日竟陵錢子膺明府移尊西園小

閣邀同諸友賞雪分韻得鹽字

王

梓適菴  
治陽

小閣餘寒氣空庭尚撒鹽雲連卜豐歲臘盡念窮簷極  
目青山失關心白髮添同人恣勸飲高興使君兼

鄂渚雜詩

又作江城客還登庾亮樓賞心春一色慷慨志千秋草  
綠芙蓉岸波搖鸚鵡洲舊時名勝地憑眺迴生愁

二

極目帆檣亂空江一鏡明洲分芳草色岸接漢陽城閣  
筆思崔顥臨風悼禰衡客遊真浪蹟回首負平生

秋日雜詩



驚秋風乍起酷暑一時收已見銀河淺還看大火流壯  
懷增鶴髮遊興敞貂裘舒嘯東臯外何時返故丘

二

細水繞籬前幽居近輞川雨餘山似黛門掩晝如年懶  
慢從予得浮沉任爾遷鷓鴣枝已穩獨鶴唳雲邊

三

景畧當年志仲宣他日情凝眸看鼠技到耳厭鶯聲芳  
草乘春發寒烟傍樹生凌霜松柏在歲晚獨崢嶸

登黃鶴樓

飛閣凌江漢登臨豁遠眸波平帆影正嶂合楚雲浮勝  
蹟留黃鶴荒洲沒白鷗恍聞吹玉笛蕭颯起鄉愁

清詩初集卷之八

武進蔣 鑰玉淵

選

錢塘翁介眉武原

景陵譚 篆灌村

漢陽羅世珍魯峰

吳江徐 崧臞菴

武進陳玉璣椒峰

定

七言律

度大庾嶺

朱彛尊

錫鬯  
秀水

雄關直上嶺雲孤驛路梅花歲月徂丞相祠堂虛寂寞  
越王城闕總荒蕪自來北至無鴻鴈從此南飛有鷓鴣  
鄉國不堪重佇望亂山落日滿長途

宣府鎮



高城西北控幽都吹角清秋落日孤尚憶武皇巡玉塞  
親從鎮國剖金符宮槐御柳今蕭瑟虎圈鷹坊舊有無  
邊事百年虛想像誰誇天險塞飛狐

靈寶縣女郎祠

孫蕙 樹百

縹緲仙樓似玉京蒼茫獨眺旅人情河聲入洛三門合  
嶽色來秦萬里明望氣臺空芳草暮度關人去夕陽橫  
孤心別寄登臨外徙倚愁聞二月鶯

月下集城樓遠望

麗譙危倚俯龍湫萬象空濛夜色流詞賦競憐今夕興  
風塵悔負十年遊月明烏鵲翻星斗潮漲黿鼉撼堞樓  
世事祇堪持蟹醉悲歌欲典馬卿裘

春思

毛先舒 雅黃錢塘

柳絮隨風落妾家年年蕩子客天涯啼鶉處處春將晚  
芳草萋萋日又斜失水鴛鴦還憶藕無巢蛺蝶漫尋花  
暮煙淡處聞吹笛一帶朱樓映落霞

送喬文衣之劍州

倪粲 開公上元

渝峽遠通涪萬水嘉陵曉接閩中山分符刺史初行部  
舊語參軍正解蠻幢布芋田徵稅薄青松白鶴訟庭閒  
他年更奏殊方績應在文翁伯仲間

聞公愚遊海澱回感賦

戴明說 巖竿滄州

知君極目城西淀老我傷神泡子河七貴香奩曾駐輦  
百年芻牧近行歌潭心暝雨看蛟舞洞口腥風報虎過



荻蕩連天秋不管與亾流盡是煙波

武林歸舟次語溪雨雪

曹溶 秋嶽嘉興

已報輕雷起蟄天重驚凍雨挂帆前禦寒欲乞鄰家火  
抱病方隨估客船東逝波濤虛霸國北飛鴻鴈阻歸年  
時看飲馬來荒壘不得遊龍出大川

苔雲間錢方韋兼懷諸乾一山中

短衣說劍塞塵餘范蠡湖邊近索居四海高朋勞屈指  
百年野史媿詩書霜飛老境分邛竹歲闊閒情報鯉魚  
共羨九峰留傲士吟松不使夜窗虛

讀李舒章遺詩

黃虞稷 俞部晉江

歎息才名四海知那教臨老嫁燕支烏頭不白生還後

墓草猶青歿去時凝碧煙淡空悵望河梁月落更愁思  
飛揚信爾平生志不願詩名異代垂

禹陵

宋徵輿 轅文華亭

大禹東巡竟不還萬年祠廟鎖空山陵前江海朝宗地  
殿側臬夔侍從班谿水自流青嶂口亂峰遙拱白雲間  
喬松翠栢風蕭瑟猶拜冠裳識聖顏

濟寧太白酒樓

何當風利泊歸舟百尺懸梯亦壯遊雲裏泰山堪北望  
窗前濟水自西流當時醉客憐詞客此地城樓竟酒樓  
俯視南池賞同調蒲荒八月少陵秋

寄哭麻城梅惠連

本名之煥後為稿木和尚

閻爾梅 古古沛縣



尋常無事辨淄澠霜苦沙寒水自澄  
入山名士且為僧九原不媿先司馬  
十字堪題古木陵  
江上些君非偈頌知君別自有傳燈

戊申元夕後四日蔣馭鹿邀同人集飲燕市

沈沈別墅埽霜苔燈補元宵五色豷  
吳越佳人連袂唱  
幽燕老將裊裘來梨花帶雪初春放  
玉樹臨風半夜開  
應笑梁園賓客陋當筵詞賦競鄒枚

曾庭聞自潤州枉顧草堂

鄧漢儀 孝威南陽

偏是窮途重友生柴門握手淚縱橫  
一時仕隱分天地  
千載存亡只弟兄宅巷久歸狐兔窟  
江湖猶戀鼓鼙聲  
與君試話封侯事慷慨悲風萬里情

梅村

吳偉業 梅村太倉

枳籬茅舍掩蒼苔乞竹分花手自栽  
不好詣人貪客過  
慣遲作茗愛書來閒窗聽雨攤詩卷  
獨坐看雲上嘯臺  
桑落酒香盧橘美釣船斜繫草堂開

將至京師寄當事諸老

平生踪跡總由天世事浮名已棄捐  
不召豈能逃聖代  
無官敢即傲高眠匹夫志在何難奪  
君相恩深自見憐  
記取鐵崖詩句好白衣宜至白衣還

送胡愛嵩還秣陵

張民表 林宗中牟

交遊四十年中事往返三千道上行  
去歲此時常過我  
只今相見有餘情高花送酒朱門貴  
短髮忘憂白帽輕



乞得青田石刻印大梁會寫布衣名

謫後三遷至上林丞

龔鼎孳 芝麓合肥

幽居物色青春晚忽點山公啓事名黃綬幾逢三仕喜  
白頭難見一官成姓名宣室虛前席詞賦甘泉媿長卿  
來往輕鷗知浩蕩江湖煙水夜來生

寄彭禹峰方伯

得時鷹隼豈卑栖行省威名播狄鞮屐折圍碁千帳靜  
檄成橫架萬山低軍中轉粟青天上使者論功大夏西  
柔遠古惟恩信重年來象馬倦霜蹄

秋晚

木脫殘扉數鴈行西山歷歷到斜陽隔年敝履穿無垢

入夜寒杯淺自香病起捲簾橙橘霧燈青有髻菊華霜  
攤經曬藥無多事消受先生粟一囊

登報恩寺浮屠

紀映鍾 藥于江寧

摩盪剛風鳥度艱雲雷只在半中間前王丕烈方神鼎  
古佛幽燈照鐵山門戶洞開秋鐸曉晶靈遊戲夜珠還  
流沙萬里車書絕獨有神光舞百蠻

真定大悲菩薩高七十三尺稽首頌之

欲向乾坤問典型碩人西竺美難形陰陽作炭無罏鑄  
定慧爲光掩日星滹水遠圍衣帶白常山朝接髻螺青  
曾聞頂首真空義廣樂鈞天向下聽

將試京兆劉總戎城樓夜餞

會 曉庭開寧夏



賀蘭山下朔方城，鷄犬千家屋上鳴。  
大燾樓中逢塞妓，高秋風裏度秦箏。  
黃河直向遙天瀉，白草翻從內苑生。  
爛醉且騎元帥馬，曲江春宴亦虛名。

秋懷

杜立德 純一寶坻

報到秋來書寄君，思索客况自氤氳。  
蘆花未老江亭月，鴈陣斜酣洛浦雲。  
香繞博山成古篆，松蟠芸閣結龍文。  
幾矜名士甘陵勝，奉橘遙懷過右軍。

荅何濮源出酌草橋見贈

周體觀 伯衡遵化

樓上春光望欲迷，遙憐城外草萋萋。  
應知燕子來寒食，想見流鶯送馬蹄。  
公子壺觴何處是，將軍池館幾人題。  
後時更有清遊興，寄與同心莫自攜。

虔南春興

何物安心髻復青，籜冠未製媿山靈。  
夜來自拜麻姑影，客去惟殘內景經。  
扶病七年虛艾火，養生一味學庖丁。  
白沙勾漏空鄰近，愁過蒼梧日月冥。

東下舟中作

林古度 茂之福清

中流一望氣蒼涼，東下千帆背夕陽。  
沙遠樹疎都若影，天低月近漸成光。  
須臾江縣分吳楚，歷亂秋鴻起陣行。  
歸去定知籬畔菊，待人猶照數枝霜。

秋興

成克鞏 青壇大名

銀河玉闕倚高清，陸海神皋舊有名。  
但擬黃圖煩卜築，屢聞赤舄自經營。  
潮迴碣石成枌社，屏擁醫閭作鎬京。



萬國朝宗還此地無勞宣室訪諸生

曉泊

富鴻基

雲麓晉江

荒郵繫艇王程迫此處年來已數過空際晚山雲影薄  
尊前秋水月明多長途客路憑舟楫幾處人家近薜蘿  
極目蒼茫身世外眠鷗浴鷺滿晴莎

憂旱

申涵光

鳧盟廣平

春城落日淡無暉草暗雲霾晝掩扉到處清罇還獨飲  
滿天鴻鴈欲何歸江邊曉角催征馬塞外寒沙落釣磯  
記得昔皇憂小旱十年布素浣龍衣

春郊

晴煙落日淨暉暉坐愛村橋晚未歸亂後鶯花春自好

城中車馬客來稀浦沙向暖鴛鴦臥徑草初青蛺蝶飛  
待到南園花滿樹相過百徧定無違

題陳廣文玉笥書樓

蜀葵花滿廣文居殿閣風涼緩帶餘闕下冠裳懸筆扎  
南來僮僕解琴書茶煎楚菊霜前葉飯煮嚴陵瀨上書  
獨怪談詩親野客月明常自叩寒廬

寄諸兄弟

梁清標

蒼巖真定

蔥蔥雲樹帝城浮濁浪衝沙動白溝霜落蒹葭河朔早  
風高禾黍太行秋詞場空老庾開府鄉里曾稱馬少遊  
賸有青氈寒漸入賦成遊子數登樓

寄酬徐電發



脩脩紅燭夜調笙老大驅車紫陌行仰屋何關天下計  
寓書每識故人情冰霜歲暮催容髯風雅中原讓友生  
共道孔璋工草檄祇今湖海未休兵

梅語亭

程邑翼蒼  
上元

木末危亭小徑通莫釐峰下太湖東風吹洞壑歸雲白  
波撼嶽巖返照紅數點遠帆飛鳥外幾行晴樹亂煙中  
買山原為看花約天遣春光娛老翁

自齊長城訖于海

楊師亮南陽  
招遠

十二長城遮海上千秋陵谷野人居曾摩鳥道探鵬鷖  
髮沐龍腥取鮫魚險僻山雷王儻莫鴻濛鬼祕栢倪書  
來游王子冬十月大壑飛霜萬樹疎

雪晴

施閏章愚山  
宣城

川原高下白雲平稍見朝曦淡淡生寒重人煙低野戍  
氣暄林雀到孤城溪頭走馬冰成路屐齒衝泥凍有聲  
何似草堂圖畫裏敬亭千仞玉山明

渡洛河

郝浴雪海  
定州

龜龍神湧浪花開天縱吾師授受來混沌一清看立畫  
文明不字有驚雷迴瀾顧海皆神跡獨馬投荒出聖裁  
人自從今吾好古歸箴五福入蓬萊

武昌有懷

鄂渚巖城枕石岡千秋名輩各帆檣江山曉夜生光彩  
城郭簫笙度異香喜聽歡聲仍舞襜笑看明月到胡牀



書生寧解麒麟畫淺薄難陪鴛鴦行

輓家攝六

黃與堅庭表太倉

兩朝踪跡半天涯寂向溪園老鬢華  
萬里宦成難報國十年兵擾漫移家  
貧疎藥裹還酬畫病倚香龕尚供花  
爲數舊遊增歎息紙窗風冷薜蘿斜

三鄉過連昌宮址

王鐸覺斯孟津

白榆老葉乾風起舊地離宮感慨生  
畫棟惟畱山勢在絳桃復見水光橫  
美人歌舞思千載寶輅笙簧奏九成  
今日花飛春又落破籬殘雨叫鶻鷓

下太行頂歷佳泉風門至萬善驛

西晉征車天際轉東周大地眼中開  
長洲草闊村俱沒

故國雲淡鴈不來戍古猶聞拾砮片  
月明空上望仙臺野王鄉社喧神鼓  
禾黍風高兩鬢催

涿州

趙賓錦帆陽武

涿鹿煙雲接帝庭朔風吹雨午冥冥  
百年喬木霜皮古十里沙場野霧腥  
泒水高連天北極名王獵臂海東青  
他鄉最易添愁思隔岸鐘聲度野亭

劉梅峰候調旋里

此日纔聽故國鐘風吹石岸冷芙蓉  
河魚書進高堂膳蠟屐晴登少室峰  
十載還鄉人老大三春伏枕夢從容  
草堂暫臥仍須去未許香醪醉菊松

秋思

毛際可鶴舫遂安



清言初集  
空山孤緒兩蒼茫  
夢裏秋思一夜長  
回首三年猶故我  
驚心客歲尚他鄉  
雲根觸石常疑雨  
葉性隨風不待霜  
何處砧聲淒欲斷  
更將清韻助寒螿

寄贈閣古古先生

李載子傲  
麻城

蝸角蠻衝幾合圍  
揮戈何處挽斜暉  
茫茫籬外無多菊  
落落山邊有限薇  
從白猿攜雙鋏  
往牽黃犢飲上流  
歸剎那圓滿屠沽債  
閒賦停雲補衲衣

雲間九日作

錢謙益牧齋  
常熟

秋聲海氣互喧虺  
倦睫矇矓冥漲開  
乍見天吳離浪立  
却看地軸拔潮迴  
蹄涔突兀驅狼石  
蟻垤盤空戲馬臺  
賸欲登臨更無那天  
高陵谷易悲哀

寒食後一日

寒食淒涼作不成  
春光取次又清明  
孤城氣味愁鑽火  
故國心情記賣餠  
苦恨落花隨柳絮  
謾勞啼鴉替鶯聲  
東風誰唱吳娘曲  
暮雨蕭蕭闔禁城

閒詠

孫枝蔚漑堂  
三原

梅窗竹徑卽山家  
天使閒身管物華  
牀上吟魂清似水  
門前世事亂如麻  
乍添歡喜梁歸燕  
小惹憂愁雨打花  
老衲投名須荅拜  
渡頭迎客有漁槎

漢口送友歸里數日後余便往潛江

遊踪歷歷數能真  
屢日相煩伴此身  
白浪打船書在手  
紅桃隔岸酒沾唇  
江頭送客愁清曉  
店裏關門坐晚春



不得西歸更南去須尋名蓼姓辛人

蒔花

李 霽 坦園高陽

庭除隙地無人至閒課兒童種雜花  
漸老心情唯學圃未歸踪跡漫爲家  
春寒待放亭亭葢夜雨新抽細細芽  
誰道荒齋還寂寞繞欄半畝簇明霞

雨後夜坐遣意

明河清淺溼雲開御袂重茵坐碧苔  
鏡裏新霜年暗度庭前舊雨客稀來  
蒲桃引蔓珠垂架茉莉吹香玉照杯  
慰藉疎頑良不薄莫嫌搖落歲華催

燈市

孫永祚 子長常熟

鳳城雲日自光華燈市人煙走鈿車  
油壁露粧紅袖頰

酒樓含笑碧窗紗宮斜舊出傳金盃  
海客新來汎寶槎數里香塵看不足  
馬蹄歸踏月隄沙

人日登司天臺晚眺

李 雯 舒章華亭

長安人日共登臺千里神州霽色開  
地繞黃龍成北闕山迴青嶂自西來  
朱樓暮啓臨飛騎玉笛春寒動落梅  
聖世卽今多盛事無煩災異報蓬萊

荅王涓來

李昌祚 過廬漢陽

懷古亭前書數至送君幾日鬢毛斑  
莫言往事輕浮海大抵今人重買山  
顧我饑寒猶未足問農稼穡亦多艱  
近來觀水心初合碧到橋頭曲曲灣

楊青巖學使署中喜晤蔣寅升



記吾十五侍師前屏後亭亭玉樹連揮淚曾留燕市上  
重來不是楚江邊詩成霜管孤吟夜人醉秋華八月天  
放眼知君原有託暫將青白過朱研

秋日重遊北山

陳寶鑰綠厓

有約招攜出北關重來洞口已蒼顏黃花落水聲千澗  
紫樹斜陽色萬山煙戶魚城秋練白仙居蜃室石苔斑  
樽前且共乘遊興誰上中峰拾翠還

寄送吳錦雯司李肇慶

宋德宜蓼天長洲

名高佐郡舊聲華分節蠻方道路賒欲借寇恂歸頰上  
却憐吳隱及天涯枕榔亭傍三鷗水笏竹城開五子花  
應愛端溪一片石還朝好載鬱林槎

春怨

李以篤雲田漢陽

臥病經時靜掩關桃花乳燕自間閒尊前懶為佳晨賦  
鏡裏全非舊日顏作客頽唐餘短髮笑人淫滯是春山  
可憐江上青青柳獨對東風舞阿蠻

千人石卽事

常依石畔久徘徊剝落殘書沁古莓楚客沉吟還蘸筆  
山僧冷飲自啣杯笙歌遙出梅花嶺粉黛齊登貝葉臺  
獨有雙鬟最小膽凌波不過斷橋來

春暮感懷

周廷鑑元立晉江

暄晨已過豔陽天苦雨淒風倍黯然噴浪蛟啼腥夜汐  
歸鞍鶯舞落春煙醪漿茗汁知誰勝翠羽霜毛劇可憐



蚤識蟬蛸成一夢何須青鳥乞長年

鄱城遺址

魏裔介 貞菴 栢鄉

救趙曾驅十萬師 信陵湯沐幾人思  
高風下土空遺壘 霸業傷心問酒卮  
堤上人家餘野火 路傍翁仲傷枯枝  
年年此去長安道 日暮荒城讀斷碑

小亭新成猶龍晚過納涼

擬藏萬卷落新成 知己相看一笑迎  
世上何人敦古道 天留我輩作狂生  
菜根響頰非兼味 疎月投懷豈世情  
聞說西南烽火急 憂時直欲請長纓

落花

楊佐國 荆湖 荆門

醉坐花茵如錦時 管絃一曲譜紅兒  
已知漸次星霜異

轉憶從前雨露私 數拍笳聲悲蔡女  
五湖煙艇老西施 最憐蛺蝶空畱戀  
未斷情根若藕絲

連飲元亮聽其拵搥因懷孝升

何采 損齋 桐城

橋北橋南水作鄰 頻傳梅信酌芳樽  
詩慚何遜花偏早 曲顧周郎酒更醇  
同看烏衣飛燕子 每懷絳幘聽鷄人  
景陽鐘漏漁陽鼓 一樣聲催五夜春

暨陽

魏允枏 交讓 嘉善

烽燧遙天接大荒 高城憑眺蒼蒼薜蘿乍  
長新官舍 燐火宵明古戰場 秋雨遠來江氣白  
夕陽斜墮海雲黃 三吳事業殘碑在 矯首雲臺思渺茫

淮安新城有感

王士禛 阮亭 新城



清言初集  
開府當年據上游建牙賜爵比通侯即看別院連雲起  
更引長淮作帶流荒徑人稀鼙鼙嘯野塘風急荻蘆秋  
永嘉南渡須臾事忍向新亭問楚囚

寄荅茗文吳中書

光福鎮前白鶴飛崦東崦西雨霏微舊遊正及梅花發  
憶爾漁陽桑葉稀三載漫求方朔米此行真息漢陰機  
烽煙滿地憂租稅石室金庭少是非

喜晤雲間吳六益處士

陳祚明亂情  
仁和

三江笠澤一漁舟羨爾親披富渚裘每誦雄篇思鮑照  
人傳社哭比王修啼鳥曉月棲吳市躍馬秋風攬薊丘  
綺席逢君登上座布衣徧歷五諸侯

香山

夾道青峰似畫中先朝列帝敞行宮鶯花仍度三春日  
松栢長吹萬壑風錦石親承鑾輅轉玄猿猶記翠華東  
小軒御榜畱宸翰行客徒悲古木空

雙孔雀

翁聲業錢宗

鵝黃鴨綠競芳菲何處珍禽海上歸豈爲秦樓蕭史駐  
應傳樂府東南飛雙橫翠尾臨粧鏡細蹙花絲傷繡圍  
更待春雷毛羽就遲君歌舞縷金衣

荒感

老去悲歡事不同夷門高隱大梁東持矛帶甲常占月  
轉枕捩頭且信風歸鶴怯畱丁令跡系龜新解豫且籠



孤懷耿耿誰當暴知在電光日照中

送董畊伯之燕

許 璵 鐵堂侯官

一馬溪行青草知勞勞亭下送君時故鄉以內無非亂  
廉吏于今不可為出境易成遊子賦入門先問黨人碑  
長安楊柳垂垂地猶有西曹舊日詩

萬柳堂前新築初成志喜

馮 溥 易齋益都

數畝銀塘睡鴨浮覆雲一簣卽丹丘鶯窺柳市啼常早  
水隔桃源靜不流草木潛知天地意巢由並入帝王州  
扶筇三徑依城闕昏黑何妨到上頭

秋日登周處臺

杜 濬 茶村黃岡

半生老作金陵客訪古今登周處臺疎樹萬家秋更落  
夕陽千里暗還開虛傳戰伐能揮劍如此江山只舉杯  
寂寞草堂遙在眼蒼茫指點朔風來

至日別友

沈 荃 釋堂華亭

小至淮陰風物暖天涯歸客夢魂勞背城寒日暉暉下  
隔浦晴雲冉冉高遠道間關思骨月淡冬冰雪戀綈袍  
憐君此夜孤舟發斜月寒江急暮濤

送于九劬晉閩藩

三載高牙建穎川重移千騎海雲邊路逢鐵鎖金牛見  
權入蘆溪荔子懸帳下材官新組練車前部曲舊戈船  
獨憐畱滯河梁者遙唱驪駒倍黯然

自褚里館舍遷南屏

孫 治 字台錢塘



清言不集  
不堪委巷子雲居此夕睽  
達意惘如每喜鐘聲親几席  
常看蕉葉埽堦除窮年豈有扶風妓蔽席欣來長者車  
我自生平麋鹿性入山將作老樵漁

冬之夜

王崇簡

敬哉宛平

風葉蕭蕭打戶鳴閒齋兀坐學忘情  
炎涼自是人間態毀譽多由身外名  
月上寒窗懷往事夢回午夜數殘更  
宵鐘迢遞來長樂凌厲霜空徹曉聲

殷比干墓

在衛輝府北十里四字宣聖手書

李長科

小有典化

剖血忠墳出邨鄘依稀金版泣長松  
三仁共許紛疑案四字高題見毫宗  
白馬何人追去客丹疇無處訪遺踪  
獨畱古碣春秋筆埽盡周王尺土封

登淮陰侯釣臺有感

咸陽火滅笑狂秦曾向空臺握釣綸  
得玉未同羆虎士披裘不願鹿麋羣  
丈夫一食資亭長大國三齊首漢臣  
淮水悠悠荒草路登壇今日屬何人

秋懷

曹爾堪

顧菴嘉善

大道松陰碧四垂白楊吹葉冷殘碑  
誰家高塚煙消後幾處侯門晝閉時  
夔郡春苗收蒟醬巴山雪鋪課蹲鴟  
上林栖託冰霜少聊與寒鴉借一枝

湖上清明有懷

萬頃晴波卷夕煙麥餠杏酪滿湖船  
西陵松柏芟除後南國鶯花燧火前  
競看健兒盤寶馬誰聞羈客和啼鵲



清言初集  
故人杯酒蘇門畔臥對青山憶去年

中峰

葉封慕廬黃陂

峻極中峰此獨尊雲低咫尺暗天門路迷仙館孤池在  
煙斷黃河一線昏封禪有壇虛月色搗衣何石見秋痕  
不知山頂誰剗削今古初無半字存

抵巖州

秦松齡對巖無錫

睦州風物未凋零城郭煙巒問已經割漆人稀蠶正熟  
焙茶香透酒初醒花涵水氣千重白雨洗山根一帶青  
此地不曾樵牧入夢魂翻自憶西泠

秋日燕臺述懷

王清水壺平原

碣石秋風動地來極天鐘鼓下樓臺遙聞獵騎長秋盛

近擁鳴珂五柞迴瓠子屢勤宣室慮栢梁新選侍臣才  
濫竽祕省無他効翹首浮雲泰岱開

鑷白髮

程封石門江夏

自驚衰颯負初心霜髻愁看漸欲侵青鏡易刪惟白髮  
朱顏難買是黃金從前棋局勞多算向後詩題戒苦吟  
不肯盛年甘老醜倩人終日費搜尋

至周櫟園先生非所

射鳥樓下亂鷄號馬首香煙曉霧高羨里易今逢噬嗑  
柳州文昔做離騷七千餘里趨廷尉一百多人繫法曹  
見說無辜鈞党禍道傍涕泗湧秋濤

輓曹石霞先輩



絕代奇人歿亦奇蠻鄉孤襯總堪悲波瀾學海東西漢  
魄礪詞場大小兒老去詩名原不惡生來狂病本難醫  
夜棋春酒情無限何處招魂入夢時

秋夕

高珩念東 淄川

閉門疎雨暗空牀坐久簾幃裊斷香蟋蟀西堂秋有夢  
芙蓉南浦夜初霜金微過鴈懷人遠銀甲調箏咽夜長  
白帝黃姑期有素也應天上怨清商

野步

陸求可密菴 山陽

春花處處拂衣香雛燕隨風出短墻野草無名千百種  
長楊夾路兩三行橫橋隔水藏溪塢羣鳥衝煙亂夕陽  
歸去不須愁寂寞西家桑落有餘漿

吾谷丹楓借吳漁 山同遊

許之漸青嶼 武進

石髮晴梳藉葉紅千章錦樹倚寒空霞天借艷偏斜照  
霜信畱芳問朔風孤櫂頻年魂夢在攜筇今日畫圖中  
勝情爭躍成俄頃幸是君來此會同

病起感秋

黛雲山立忽摧頽杲杲驕陽亢不回力盡枯槁心欲折  
眼穿雲漢色成灰發棠無策空流涕道殫爲圖急告哀  
一飯未曾營獨飽杞人懷抱向誰開

故人

趙潛雙白 漳浦

故人相對話清秋况有籬花小徑幽白酒青山終日醉  
寒燈疎籊隔宵畱牽蘿待補松間屋釣月移來渡口舟



新得鱖魚須再飲夜淡長嘯水西樓

十九日宋人亦為重陽

一籬花醉古重陽無事人家秋草長  
鷓鴣何因驚野夢芙蓉漸欲老江鄉  
山能近客休嫌淺徑可容雲未厭荒  
挿罷茱萸今日冷人多不會此風光

題春雨草堂

梅磊杓司宣城

樓俯江淮雲水清長林日暖有啼鶯  
花知畱客垂簷發月為看書到枕明  
作賦素耽司馬病逃名苦戀季鷹羨  
金門舊殿休回首禾黍徒傷故國情

送客遊楚

汪琬鈍菴長洲

日落天高旅鴈哀離亭駐馬共銜杯  
十年湖海愁將老

萬里烽煙喜漸開斑竹雨飛堯女廟  
青蘋風起楚王臺郢中詞賦無勞羨  
自有浮湘司馬才

送魏子存之成都

鳳城垂柳為君攀西去高軒指散關  
望帝愁魂春樹外臥龍故壘夕陽間  
天懸鳥道連三峽地入蠶叢控百蠻  
到日不妨頻弔古訟庭草長簿書閒

桐栢道

彭而述禹峰鄧州

泌水南來桐栢東山城淅瀝響秋蟲  
千峰自學車輪轉竟日如行杵白中  
丈草驢迷鹽客路鼓祠虎避獵兒弓  
淮源浩淼還無恙搗鼓曾開鳳泗篷

渡河



直從西極倒真源吐納洪荒日月昏萬里春水瀾瓠子  
千山雪浪捲龍門帆檣漁火陳橋近草樹鯨吞良嶽尊  
十載河梁歸故道泥沙盡識大君恩

獨立

周容鄧山

獨立空庭多一身淡雲漠漠可能春寒鴉不數爭高樹  
臥犬無端吠路人交友意同奴婢盡文章事為子孫新  
尋誰讀霓成謹笑許劍亭西起暮塵

江州海天樓對琴有作

李恕相如

憶得扁舟楚澤迷烽煙南北路東西青燐滿地連班馬  
野哭空原斷曉鷄有病阻風維夏口無錢沽酒到蘭溪  
推篷欲操烏栖曲誰料寒鳥繞樹啼

喜江大引寒歸里作此奉慰

龔雲起成山

別時三伏正炎蒸怪爾秋風歸未能天地窮途雙白鶴  
江湖吾道一青蠅那堪宦薄輕微祿何必家棲不老僧  
浩蕩陽和消息遠鳩鷹滿眼若為憎

僅見庭前薔薇爛熳親故競擬載酒風雨為歎

今年花事不關人一樹薔薇着意春依舊雨殘猶有色  
兼時風打不無神老衰詩句須花發零落賓朋藉酒親  
片片曉紅承淚落絲絲鑷白帶愁新

鸚鵡

宋琬荔裳

雕籠萬里托征鞍辛苦何辭行路難幽閣恰添嬌女伴  
方音猶作部民看且分薄俸供秔稻莫遣春風瘁羽翰



流水隴頭相憶否朔雲邊月不勝寒

將別家兄畱連有賦

驚傳疾病方來止不為兵戈遽忍歸大野雲霾兕虎叫  
晴江沙白鵲鴿歸瀕行預戒舟車路未去先裁弓箭衣  
江水有情應化淚愁看西北是親闈

姜黃門卿墅以言事下獄未幾乃付司敗驚定賦此

怪事驚傳溼葛巾堪憐北寺再生身聞君對簿呼高帝  
自古明王恕直臣人號玉山偏煅煉骨從火宅倍嶙峋  
藁篋汝季良辛苦書就鄒陽莫浪陳

少年

毛萬齡大千蕭山

青絲玉勒錦征袍意氣橫行佩寶刀一曲錦纏三部伎

萬金家散五陵豪青門角送邊風急紫塞弓懸漢月高  
無處不生驕貴色知君六郡舊兒曹

借方還青練石林集王補石草堂

顧景星黃公崑山

荷衣韋帶早歸田珍重山中聽杜鵑蔓草再尋王粲井  
剡溪曾負子猷船碧梧黃落高秋月紅燭青蟠午夜煙  
枕角愁心千里夢一時吹聚大江邊

信陽酬山家

枳刺藤梢接四鄰尋花秋蝶往來頻山童隔水收魚笱  
野老逢人正葛巾赤棗青梨都過眼黃鸝白鷺漸相親  
楚天日暮散風雨無數遠峰來向人

清笳

趙進美清止益都



清言不集  
皂角旗明大野西  
黃沙腓草氣淒淒  
村餘茅屋煙難起  
樹積寒雲日易低  
馬掠高林如燕過  
鴉藏幽壑作人啼  
蕭蕭遠聽清笳發  
已聚牛羊數萬蹄

江行

青天一柱起危瀾  
翠壁亭亭受日寒  
帆際莓苔光不定  
雲中樓閣勢難安  
經聲夜落鼉鼉宿  
石磴空懸鵬鶚盤  
千仞褰衣還獨嘯  
結茅真欲逐漁竿

隰西草堂詩

萬壽祺  
年少徐州

門巷蕭條舊辟疆  
先生高臥此羲皇  
三冬積雪梅過嶺  
十月停雲竹滿塘  
寒火隔年留漢臘  
東風五日已春王  
黃精未發春糧絕  
空荷長鑱向草堂

汾湖野眺

王熙  
晉庭宛平

萬家穫稻野光秋  
游子臨湖雙淚流  
西北羣山橫大漠  
東南一水隔皇州  
叢篁僻地猶翻葉  
獨鴈歸飛更遠洲  
百戰昔悲燕趙地  
故園今只見雲浮

雲陽舟中送友東歸

朝來何事不勝悲  
寂寂離情怨子規  
惜別暫留寒雨夜  
送行無奈曉風時  
淡溪霧捲飛花片  
平野煙濛綠柳絲  
東去江城相望隔  
天涯何日更追隨

飲韋祠海棠下

陳之遴  
素菴海寧

城南野寺春風裏  
藉草觴花此一時  
卽恐飛英嫌醉少  
實憐含蕊願開遲  
錦幃蔽日誰家院  
綺閣留春昨歲詩



芳樹美人原易暮不須風雨妒臙脂

薄暮望徐州諸山

許承欽 漱石漢陽

日在西山第五峰斷雲奔樹護山容巖邊積氣知巢鶴  
洞口餘寒應伏龍指顧中原橫要害紆迴大澤鎖隄封  
獨憐戲馬臺邊水不為彭城奠鼓鐘

秋日登晴川閣

飛閣凌虛抱漢城危磯絕壁枕江聲風煙浩蕩蛟龍舞  
雲樹參差鴈鶩橫鐵鎖穴深垂斷綆桃花祠廢冷銀箏  
洪濤噴薄無今古尚似英雄氣未平

春客長干

王元偉招集陳階六寓園時寇姬白門在座

宮偉鏐 組弦泰州

子夜層樓悄夢寒一春心事向人難才非救世官多誤

客有閒愁吟未安腰帶半同青鳥瘦淚珠時共美人彈  
相逢擊筑吹簫士握手離亭仔細看

新野議事堂

昭烈與徐庶議訪孔明處

李因篤 天生富平

天顧炎符未可湮殷憂促膝見君臣布衣自古藏名士  
髀肉何曾老異人秋落江聲吳楚混日垂山氣鼓笳鄰  
傷心今昔荒臺外潦遍沙場戰鬼貧

秋興

西來宛馬絡青絲萬炬圍城罷獵時黍逼故宮秋自滿  
鴻號中澤暮何之淒雲回首悲關塞返照驚心望崦嵫  
一滯雙洲情不愜蒹葭搖落好誰思

竹籬

文德翼 登巖九江



烏啼野竹細編籬為護臨湖數柳枝煙浪乍如簾外隔  
菴巒遙向畫中移閒鷗影沒沉竿處小犬聲連過屐時  
但使南村風味在謝城揮手豈相欺

大茅峰作

黃永艾卷武進

籃輿九折曉風寒路入茅峰更幾盤霧起山腰疑駕鶴  
雨過林際隱翔鸞靈旗晝擁真人座仙樂晨披太乙壇  
豈獨金吾靈爽在看君兄弟五雲端

吳門雜感

為典春衣易酒罇荆扉長掩若空村久疎干謁慚懷刺  
漸少交遊省應門甫里舍旁荒杞菊左徒宅內閉蘭蓀  
人生如物嗟難化歎息莊周北溟鯤

東武懷古

周亮工櫟園祥符

更遣雲門客渡濰泆淇東下盡荒陂秋風野水韓王壩  
落日高臺李相碑石址空鞭山鬼骨桑田亂墾海龍皮  
當餐頗憶如瓜棗杳渺仙人不可期

朱竹

亂擗桃花映客酡斜批鶴頂間青蘿翻新競比紅兒曲  
截笛畱吹赤帝歌酒醞宜城光未定冠裁薛縣色全訛  
遙看巖下爛熳處或是秋淡相葉多

觀移寺尋讀書舊居題壁

魏象樞環溪蔚州

空山依舊是玄都此日登臨興欲孤樓鎖煙霞千嶂合  
門開風雨一僧無蹊花照眼愁人老澗水烹茶問客逋



惟有讀書亭子在可容一枕臥狂夫

有贈

王又旦 幼華 邵陽

芳草連天暄江皋尋汝慰離魂千家柳色惟扁戶  
一碧湖光直到門解佩何年逢漢女采蘭終古怨王孫  
花前貰酒無辭醉笳鼓城頭景易昏

和楊炯伯見贈

余懷 澹心 蕭用

種瓜何地是青門愁見濛濛八表昏芳草故都春閉戶  
落花寒食夜開樽荒鷄鳴處誰能舞舊燕來時我尚存  
雨後不知山徑滑遲君雙屐印苔痕

玄水泉

顧宸 修遠 無錫

徐飛錫杖即祇林更向真源處處尋九仞不教翻地軸

一泓便可發龍吟銀牀閒掃松花落寒甃斜窺月影沉  
豈獨十方香乳供山畱海眼照禪心

大禹陵

方象瑛 霞莊 遂安

菊蕊凝黃載小舟龍蛇古屋萬峰頭塗山玉帛三千國  
安邑烝嘗四百秋鳥篆尚題秦歲月珪書空祕夏松楸  
東樓王氣今何處華表蕭蕭帝子丘

臯亭泛桃花

何須更覓武陵源雲錦千株別有村野水通船迷舊陌  
林花過雨漲新痕偶然倒影紅生浪到處聞歌綠滿罇  
勝地良儔真不易歸扶殘醉向黃昏

散懷

李鄴嗣 果堂 鄞縣



清言不集  
莫道當春春可憐  
初冬秋末亦能妍  
飄淡紅相東溪路  
餐過黃橙小雪天  
坐處微涼鄰竹借  
朝來新霽寺鐘傳  
始知逸少高懷妙  
不獨蘭亭風日偏

十五夜泛月

陳維崧 其年宜興

艇子橋頭此再逢  
鴉鬟却扇見從容  
水邊合認韓馮鳥  
渡口應憐蘇小松  
半幅煙波雙槳滑  
三更刀尺一城慵  
迴船却指揚州月  
不信今宵是暮冬

廣陵秋暮

昨夜西風捲旆旌  
津樓蕭瑟戍笳鳴  
羽書少府煩增餉  
金鼓中吳別築城  
千里礮車乘障發  
五更獵火隔江生  
只今何處容長醉  
愁殺壚頭阮步兵

李吏部第內新成花月山堂

顧夢游 與治江寧

小結居然一島洲  
玉人花月共生幽  
照花最愛花能語  
如月宜攜月滿樓  
石戶夜開聞按拍  
道書朝把看梳頭  
春來春去渾閒事  
只解爲歡不解愁

落葉

徐世溥 巨源南昌

暫隨白露泛青波  
來歲依然滿舊柯  
苔徑只添閒帚事  
板橋無那曉車何  
有時投閣蒙蛛救  
遮莫排空撲鴈過  
漸喜酒旗容易見  
當罏却願綠陰多

秋日秦川酬宋玉叔

東蔭商 雲鵞華陰

隴雲隴樹渺荒煙  
秋雨秋風澹遠天  
板屋依然秦土俗  
玉泉猶是漢山川  
岷嶓地冷飛霜早  
鳥鼠巖空落日懸



却歎遠遊杜工部因人未若使君賢

桂陽早眺

毛達錦來新城

芙蓉簇簇水潺潺雄武天開首百蠻四壁萬峰皆鐵面  
九秋一葉未霜顏隔江相距鬪鷄嶺飲澗全吞象鼻山  
欲上高樓看日出朝來煙霧鎖重關

山居

黎元寬博菴南昌

五柳門前未學陶避秦為漢等空勞眼中豈可畱金屑  
手裏何妨指布毛地僻雨催饑鳥叫秋淡風助怒蟬號  
從來萬事猶碁局下著何如不下高

山亭

法若真黃石膠州

偶來買酒山亭醉恰拂秋雲馬上輕歌盡山河無限淚

霜催橘柚百年盟當門鷺宿沙初白隔夜人歸月半明  
江檻蕭條眠不得御溝蹠躩泛秋聲

漢上後湖歸權

徐惺子星江寧

湖南湖北一林塘片片秋光出漢陽落日斜生千樹綠  
寒香猶帶數枝黃小橋流水閒烹茗禪榻繙經更舉觴  
歸權連翩明月上煙波浩淼接峰蒼

送客還婁東

多少離愁不忍論幾回惜別向黃昏春來求仲初開逕  
秋到兵戈早閉門目送晚漁連浦岸心懸旅鴈落江村  
故園此去香叢桂却歎天涯我獨存

送別

李天馥容齋永城



吳趨歌歌漏聲遲樹影初沉月半規去日苦多當永夜  
他鄉會好及良時殷勤有客愁三疊牢落何人怨五噫  
從此歸帆消息遠相思可寓晚春詩

赤壁

姚子莊六康歸善

天空木落石崔嵬懷古憑軒倦眼開山勢欲奔吞浪住  
江光不斷抱城來英雄氣盡三分業詞客名高兩賦才  
只有文章傳勝地簫聲鶴夢總塵埃

峨眉得和詩果以酒來再成一律

汪懋麟蛟門江都

街頭急雪淡三尺怪我投詩夜打門衝突冷風煩老僕  
提攜殘燭落芳尊重披敝褐翻書坐旋撥薰爐就火温  
却笑侯家莽行樂妓圍密密煮羔豚

九日飲見山樓

同徐原一姜西溟孫豹人叔定家兄和豹人韻

與君大笑勿言悲高詠牛山杜牧詩放眼登臺愁盡失  
捲簾看菊最相宜蓮花幕裏人歸早西溟蓴菜江頭客去  
遲原一且把茱萸好時節從容消得羽書馳

問釣突泉索坦公詩

薛所蘊行場孟縣

吾家王屋山中水千里流為釣突泉是否過黃分濁酒  
陡然出濟漾空天倒涵層巘峰峰碧平噴明珠顆顆圓  
幾向滄洲勞夢寐憑君綵筆寫潺湲

西塞

吳山濤岱觀仁和

龜茲原是古涼州五郡雄藩據上游一抹羣低番部落  
千羣馬放海西頭居人戶壁惟弓箭戍卒炎冬總革裘



六月雪山消未得油油禾黍又新秋

四鼓月出舟行過閘

蔣永修慎齋宜興

夢裏聲聲鼓急傳披衣月起映洄漣積濤挽力憑堅纜  
長夜清思快素弦光泛玻璃紋齒齒氣蒸河漢碧娟娟  
始知杜子吟山吐難少坡公江月篇

憶廬山

別來匡阜竟如何草色青青上薜蘿鋪玉城隅猶在望  
出雲亭畔有誰過遠公已去思狂狷靖節歸來阻嘯歌  
安得移將几席往東林泉味酌偏多

冬至

王廣心農山華亭

長安客舍傍靈臺宿霧寒雲節序催自惜朝衣緣病捲

誰憐官燭向愁開東堂宦興銷殘雪南國鄉心散早梅  
不是陽回倍惆悵春風曾見十年來

偶成

嚴首昇平子華容

竹高月不到中廬白日虛生靜可居檻底時時老母至  
案頭夜夜遠朋書天人既盡方艱大得失堪知卽緒餘  
身在蒼茫何日定色聲滅處是權輿

揚州

董以寧文友武進

蕪城春望送歸潮獨自開樽慰寂寥明月依人楊柳岸  
好風不度木蘭橈金鋪珠箔千門鎖銀甲雕鞍萬馬驕  
借問玉人何處醉軍中羌笛和吹簫

赤壁山前赴張使君舟宴



使君千騎下長安水驛相逢盡卸鞍銀榜江中開妓席  
玉釵燈下挂臣冠風流最是思公瑾慷慨還教說子桓  
無那天南孤客意月明江上不勝寒

送友人從軍

王光承 玠石上海

慷慨投書學荷戈今朝行李定如何砧聲夜靜城邊落  
木葉秋高塞上多家住垂楊朱雀渡人行衰草白狼河  
鍾山舊友能相憶此地從來有鴈過

與歌者陳郎

陸圻 鹿京錢塘

落日橫江老白蘋同鄉停問一相親從教李尉翻新曲  
却喜何哉是故人碧管鳳吹秦塞月霧綃蟬翼漢宮春  
座中恐有傷心客莫按伊涼水調頻

志夢 是日立秋

熊文舉 雪南

芙蓉香霧溼山椒澹蕩秋懷到藥苗石黛久疎螺子筆  
瓊窗淡鎖美人簫三年芳草迷歸夢一路垂楊暗野橋  
何事牛羊西日下天涯愁見井梧飄

贈支鍊師

葉方霽 崑山

金簡標名在絳晨玉皇香案五雲親休嫌弱水飄舟客  
曾作蓬山罵座人桃實偷殘天上樹榴皮書破壁間塵  
思量只合華陽睡搗藥吹笙一夢陳

過嶺

趙文照 鐵源膠州

峒巖嶺在碧雲頭磴道盤盤不記秋鴻鴈影稀風土異  
鷓鴣聲落古今愁蠻天瘴癘真無似鼙鼓烽煙未盡收



下馬逢人詢路徑爭言咫尺是雄州

彭澤懷古

彭

瓏雲客長洲

千波洶湧一城平萬古閒將五柳評遠志幾曾擦隱佚  
素心只是懶逢迎江湖滔蕩拋斯邑松菊蕭疎寄此生  
詩卷長留高韻在何須濁酒滌塵情

衰柳

邢

昉孟貞高淳

湖波秋盡尚無涯斜日衰楊繫釣艫疎引斷烟迷過鴈  
亂飄殘葉帶歸鴉曾經戰馬長隄拂剩映征帆曲岸遮  
最是蕭條漁浦夜風燈明滅幾人家

寒食出永定門掃祖墓有感

嚴

沆顯亭餘杭

逢時端欲重清門索米兼容拜九原可是牛眠瞻祖德

能留馬鬣亦君恩翻悲故國仙靈遠何處青山落日昏  
老母肩輿聊悵望百年親為薦蘋蘩

南海神廟

屈大均

翁山南海

扶胥江口水微茫古廟尊崇百谷王萬里洪濤歸日母  
千秋絳節奠扶桑伏波銅柱虛炎嶠橫海樓船自夕陽  
聞道秦皇此東渡馮夷應為駕鼉梁

萬允康先生過訪贈別

兼懷杜于皇

陳

莢堯夫秀水

河山風景動羈愁此日新亭幾舊游湘客倦題鸚鵡賦  
漢臣窮典鷓鴣裘春淡草色真娘墓亂後鄉心王粲樓  
睥睨乾坤同逆旅論文酌酒且淹留

歸至荻上哭吳扶九外舅

計東

甫草吳江



遙見疎林映夕陽孤舟繫纜一登堂羊曇痛哭誰知已  
向秀悲歌只自傷賸有遺書矜滿架不堪稚子僅扶牀  
幾年講幄承恩地依舊梧桐覆短墻

駐軍謝疊山先生書院西偏

鄧廷羅 偶樵江寧

暫脫征衣謁古祠低徊往事獨銜悲營門古木羣鳥散  
驛路秋風萬馬嘶禾黍幾人哀故國莓苔今已沒豐碑  
停驂為憶先生語杵臼程嬰兩得之

寄懷陳士業

孔自來 伯靡江陵

江城風雨論文日回首章門又五年爽氣西山應自歎  
暗香東閣為誰妍枕邊心史書皆鍊篋底卮言字亦玄  
天際美人勞寤寐由來邢尹解相憐

張畱侯祠

王澤弘 吳廬黃岡

穀城山下草離離追憶高風繫所思漫道畱侯如女子  
每看楚帝只嬰兒報韓志切逢黃石翼漢功成賴紫芝  
身退拂衣還辟穀神仙原是帝王師

贈韓人穀

胡介 彥遠仁和

竹塢梅堂覆夕昏夾山溪處舊柴門但題甲子詩千首  
不改春秋樹一園經亂離來人近道安貧賤久婦無言  
灞陵歸去渾無事披草時過共石鱗

丁香花下小集步鄂州韻

熊伯龍 鍾陵漢陽

城郭春歸似更忙一樽相與惜殘香初繁負汝封苔徑  
已落空憐駐石牀屋裏尋詩行樹裏醉鄉有路接江鄉



邀君小飲先愁絕定遣雙珠責報章

過烏衣巷故里

李贊元

素園龍溪

徘徊往事欲傷神閱閱銷沉淮水濱屋有夜烏啼樹冷  
梁無舊燕落泥新空聞江左衣冠地不見風流王謝人  
寄語行人休歎息晉家陵寢亦灰塵

東園送湯天若返金沙

許承宣

力臣江都

東園握手繞蒹葭一曲離歌向酒家寒月簫聲連綺陌  
霜風蒺藜岸又天涯梅花香裏歸帆急桂樹叢邊客夢賒  
寥落故人書信斷誰憐鬢髮老泥沙

九日集平山寺

時公秋病未至

王猷定

干一南昌

把袂高臺俯大荒連天江樹隱微茫雙懸日月存空寺

十里煙花墜野棠對酒戰場孤鴈叫佩萸秋墅古泉香  
傷心不待韋郎至黃菊歌殘鬢已霜

秋懷

楊素蘊

筠澗宜君

萬戶傷心帝座高窮簷此日半蓬蒿年年秋色餘荒草  
夜夜西風捲暮濤痛哭賈生原過計畫圖鄭監亦徒勞  
殘山剩水猶如故祇願同心惜羽毛

舟次

繆彤

念齋吳縣

揚舲秋浦片帆輕夕照千峰媚晚晴波影寒汀來早鴈  
林香野圃落新橙尊鱸自足容張翰鸚鵡何煩忌禰衡  
極目煙波天地闊五湖寧止避浮名

登晴川閣

先君刺史漢陽卒于公署今過口碑猶藉賦此飲泣

蔣賓坊

穎揆武進



漢水風清古渡頭  
郎官湖上淚難收  
晴川喜雨當年樹  
石鏡愁雲此日收  
爲國殉身碑在口  
傷心扶病客登樓  
鄉關何處尋歸夢  
天際煙波一釣舟

濟寧南池

葉方恒 學亭 崑山

詩到少陵空宇宙  
任城猶說古南池  
一時興會成遺跡  
千載風流有斷碑  
翠柳煙中鶯語換  
碧荷雨後酒香吹  
行人駐馬知何限  
更憶西秦泛漢陂

憶岱

天門直上四十里  
開闢規模冠古今  
列嶂星羅惟拱伏  
一山堂奧自幽深  
靈來繡紱生尼父  
功在金滕子伯禽  
爲有嵩呼風雨應  
此中頻動帝王心

寵冠

嚴繩孫 蕪友 無錫

寵冠昭陽孰尹邢  
秋風回首恨飄零  
月從蛤枕愁中白  
柳作蛾眉病裏青  
綃帳遲來吟落葉  
金釵分與說雙星  
侍臣莫下羊生泣  
轉恐君王不忍聽

春感

彭賓 燕又 華亭

驅車會到越王城  
萬壑千巖曉黛明  
禹廟旌旗飛雨色  
亭蘿花草照江晴  
函開玉宇名山聳  
甲冷犀皮霸國平  
莫怪謝公貪着屐  
紅泉碧樹坐中迎

登泰山日觀峰望海

張縉彥 坦公 新鄉

天鷄叫罷海雲黃  
冷冷御風到上方  
水底朱霞迷島嶼  
空中白練挂扶桑  
千年蜃氣渾成市  
六月鯢飛亦帶霜



最是天工能不測  
虞淵如洗鬱蒼蒼

欲往梅谿不果

楊雍建以齋海寧

梅谿還憶昔游時  
滿壁松風落酒卮  
三徑雲生苔石冷  
四花香送夕陽遲  
幾回夢遶禪宮月  
無奈空吟逆旅詩  
何日扁舟尋故侶  
重登小閣望東籬

偶題

喬鉢文衣內丘

愛是官衙在翠微  
數椽茅屋且柴扉  
窗前積雨三山落  
牀下鳴泉百道飛  
雲散公堂鵲驟起  
風吹雉堞虎纔歸  
朝來伐鼓臨江岸  
細把魚龍判是非

吳山伍大夫祠

岳虞巒衡山武進

血淚憑欄灑素潮  
英魂猶自憶吹簫  
興亡往復誠多事

怨毒孤行豈一朝  
月白海門煙蕩蕩  
峰青江上水蕭蕭  
君心不忍言忠孝  
箕目高懸恨未消

虞山舟中賦贈朱近修兼述旅况

嚴正矩絮菴孝感

未放清歌且扣舷  
客心如水平煙水  
煙相值經風散  
主客翛然穩晝眠  
詩不療貧非我病  
文堪持世識君賢  
相逢不道聞聲久  
攜手依依已十年

九日登鷄鳴山

韓畱石耕北平

聞道東籬菊已黃  
無因移向酒尊傍  
西風忽起野煙暮  
落葉亂飛山樹蒼  
鴈帶寒聲歸渚急  
江涵秋色與天長  
浮雲遮盡登高眼  
不許愁人望故鄉

荅胡彥遠

呂潛半隱遂寧



世外長歌知幾人  
流鶯只解送花春  
草尋天目山山藥  
雪憶峨眉夜夜身  
龍劍何堪懸雨榻  
漁竿合共老湖濱  
逃禪棲隱憐同調  
到處煙波莫問津

虔州

程可則石隴南海

章江迴合女墻低  
不見行人但鳥啼  
往日聊城誰射矢  
至今函谷未封泥  
風吹舊巷惟沙礫  
日落前營尚鼓鼙  
欲上鬱孤臺上望  
亂雲殘雨草萋萋

送魏子存之成都

誰說蠶叢不易行  
春風三月馬蹄輕  
銅梁舊枕秦山險  
玉壘新連楚塞平  
芳草綠齊過漢口  
杜鵑紅盡到綿城  
知君篋底多詞賦  
論蜀文應似長卿

雨中過江州尋琵琶亭遺址

李 澄鏡月興化

湓浦驚濤咽暮笳  
江亭何處問琵琶  
人行壞道沾殘雨  
鬼哭空城落野花  
送客當年秋月白  
維舟一夜朔風斜  
相逢漫道青衫溼  
轉向天涯增歎嗟

木末亭弔方正學先生

次石刻韻

孤亭寂寞枕重關  
四望風煙豁遠山  
一葉漁舟三戶外  
數聲杜宇二陵間  
滄桑自古多遺恨  
忠孝千秋是大還  
遙憶麻衣悲慟事  
樵蘇多少淚潸潸

送沈方鄴遊羅浮

陳恭尹元孝南海

挂帆東近列仙家  
瑤室璇房路已賒  
高瀑倚風時作雨  
諸峰含日半成霞  
山人散住龍蔥竹  
旅食多烹巨勝花



清言初集  
知有婦翁名鮑靚不勞丹竈問丹砂

饒周伯衡之楚

吳興祚伯成  
遼陽

春風賦別柳條青都為先生到草亭潭水落花紅雨驟  
江城催句黑雲停一帆詩興歸黃鶴千里聲名撼洞庭  
人意天心皆厭亂好將功業早書屏

馬

孫自式衣月  
武進

由來房駟降騏驎朔氣蕭梢倍有神噴玉何當投藥石  
籟雲原不逐風塵霜蹄幾蹴交河雪珠勒曾嘶冀北春  
誰道一鳴妨立仗緣知龍種性難馴

茗川偶興

羅坤弘載  
會稽

采采芙蓉水國清紫綸折角笑狂生椰樽月滿吳鈞宅

蓮帳秋淡柳暉城雙槩平頭能度曲单衫小女解彈箏  
茗花點點隨風起鴈字橫來客思驚

訪天立上人精舍

趙雲山子  
吳江

窄板橋危蘚路長盈盈秋水是濠梁誅茆就竹成僧舍  
壘石為山借女牆日落槿花還帶碧風翻柿葉未全黃  
篆煙一縷消清晝不覺人間已十霜

送季天中秋日東行

張文光譙明  
祥符

千山落日澹高旻萬里秋風促去輪自是聖朝無闕事  
何妨天末有孤臣霜侵列戍猿聲急雲捲平沙月影新  
我亦梧桐花下客至今魂夢媿斯人

九月八日喜禹峰至



蘇門別後幾經霜異地音書各渺茫握手十年纔一夕  
驚心明日又重陽江湖月冷魚龍臥邊塞風高鴈鴦翔  
欲問元龍天下計漫言中散舊時狂

聞鵲

陳 僖霽公清苑

玉樹歌停冷故宮淒淒別恨寄長空叫殘岸外桃花月  
泣斷枝頭楊柳風去楚大夫傷落日亾秦公子感飛鴻  
聽來未見萇弘血覺得聲聲滴淚紅

莫愁

陳肇曾昌箕長樂

自是長安有狹斜訛言新寵更參差忍牽出塞青絲馬  
空想當壚白鼻騮夜半有心看北斗生來無願嫁東家  
春淡漫道嬌無力愁對相思楊白花

無題

彭孫適駿孫海鹽

西風雙槳帝城遊憔悴茗華杜若洲幽夢細尋行雨路  
新眉長結晚山愁珠娘寂寞鮫人淚簫侶淒涼鳳女樓  
小煖輕寒淡院裏懊儂情思在三秋

子房洞

杜 濼涓村濱州

畱侯洞口薜蘿檐嘉遯千秋應好占聞道報秦常虎嘯  
猶傳破楚復龍潛奇人隱見因時動古木參差與石兼  
辟穀終須同四皓懸知強食未能炊

感遇

周茂源釜山華亭

夢斷春明尺五天藥欄花塢晚尤憐行當日落還岐路  
待到河清又幾年侯印不償猿臂射道書淡憶馬蹄篇



子真豈薄南昌尉難學公卿易學仙

寄懷方劍子

胡承諾君信景陵

南來楚客道相知頓履低鬟教舞兒  
傷舍芙蓉簾下賞  
遶隄楊柳曲中吹遙憐出幕羞團扇  
尚擬畱賓試小垂  
慚愧昔人千里駕吾徒何事只離思

傅掌雷廷尉招宴觀家樂

丁耀亢野鶴諸城

三年不見傅廷尉隔屏倒屣遙相呼  
大笑高士執手板  
為開小苑傾新醪紅綃歷亂歌管曲  
白髮頽放歡聲麤  
畱髡燭滅香散後回首邯鄲愁騎驢

偕彭湘菊人雲止登清涼寺

吳綺園次江都

布袷烏衣領素秋登高層折遂尋幽  
半江落日千帆亂  
六代荒煙一壑收紅葉有心鐘出寺  
白蘋無恙水移洲  
凄然數盡飛鴻影故壘蕭蕭指石頭

感事

土室藜牀夜復晨  
淡秋兀兀轉傷神  
敢言磨蝎欺才子  
長愧窮魚累故人  
碧草漸枯愁裏色  
黃花不醉病中身  
笑他朝槿隨榮落  
何必風吹上繡茵

漳河田侍御籜園

蔣伊莘田常熟

高吟星斗落寒汀  
欹枕松聲夜半聽  
碧柳亂飄金屑雨  
翠濤斜濺石龕經  
長隄明月邀桓步  
小徑清風夢謝亭  
更有高樓宜遠眺  
霞光一片滿西屏

讀荔子碑文

翁世庸東山錢塘



韓公感遇美遺文蘇子題碑凍墨雲刺史已宣聲教遠  
將軍莫事戰功聞蕉花落後空餘淚荔子丹時不見君  
畱得祠前一片石古今明月白紛紛

秋園

宋之繩

其武溧陽

郊墟秋老北風多手掩荆扉伴薜蘿簡點晚糧纔自笑  
乞求村酒未成醅人歸小閣宜燈火鴈入高天謝網羅  
何處同心千里月洞庭木脫水微波

淮干別杜湘草

方文

爾止桐城

遊子將歸意轉哀感君折柳出城來一天風雪愁無際  
十里河橋送不回停棹且沽村店酒揚帆却恨榜人催  
丁寧後會知何處白草黃雲郭隗臺

維揚懷古

許虬

竹隱長洲

邗上潮聲走亂沙雷塘坏土閉繁華玉簫曲斷飛羌笛  
瓊樹春殘長荻花大業龍舟空問水清和燕壘自營家  
風流莫爲隋煬恨六代青山總日斜

遊龍門

潘耒

次耕吳江

峽口雙峰相對開洪波瀾灑峽中來雪消春合桃花漲  
雨霽秋添瀑布雷勢奪一門推壁轉聲驅萬象觸龍脰  
祇今冬月濤痕落塞岸氷澌亦壯哉

送樊舍人之湖南

駱復旦

叔夜義烏

登樓羈思不堪論爲唱驪歌憶送君白露初零人乍去  
青山幾處鴈離羣霜橫湘楚催征旆月落蒼梧掃陣雲



儻念抱關猶傲吏歸鴻時幸一相聞

鍾離送友

周斯盛 岷公 鄞縣

七載飄零別故園客中送客更消魂何時田舍長欵枕  
此日知交半出門乞酒必須尋北海買絲牢記繡平原  
白雲滿眼難持贈獨有悲秋淚雨痕

雨

仲弘道 開一 桐鄉

晴空霽色到眉間雲際朱輪又欲關海氣未乾原上草  
波光還鎖畫中山薜蘿長助僧伽定簑笠重資漁父閒  
我亦蒲團欣聽雨臨流澤筆傲歐顏

秋日署齋小集

張汝瑚 夏鍾 晉江

夜落清霜鶴舍間羣公意氣重如山雷聲忽向杯中出

月影翻從菊裏攀詞客江東應獨步僊才郢上復誰班  
謾云署冷秋聲急酒罷更闌學閉關

黃鶴樓

趙 嶷 國子 廬陵

巍樓亘古大江東黃鵠磯頭萬里風隔岸晴川低禹廟  
遙天楚水下吳宮金沙日動狂生魄赤壁煙銷蓋世雄  
勝侶翩翩雲鶴見神仙卽在酒杯中

南岳水簾洞

尋來洞口鎖藤蘿古蹟縱橫枉擘窠日影層層嵌鐵壁  
秋聲派派落銀河誰蟠醉石通仙臥且啖靈瓜發鳥歌  
漸看斜陽村爨起何如嶽色暮煙多

別墅偶成

曹胤昌 石霞 麻城



卜得南城不肯棲河洲樹色見依依蘆花兩岸鴈初到  
楓葉一林人未歸蛙學雷鳴誰禁得鬼同僧對不知非  
最憐淮浦歌樓月也照亭州舊破扉

仲秋歷下復泛湖小憩北水門

王穆子下  
潘川

煙雨樓空剩綠莎釣磯無恙酒人過全收山翠爲屏障  
小減溪光是芰荷秋浦眠鷗欣雨足晚汀浴鷺占煙多  
停橈却憶玄真子應趁斜風起權歌

遊聖果寺

顧開雍偉南  
華亭

落霞曾繞越王宮密篠香臺古殿空睥睨橫江低戶牖  
髻螺浮翠逼簾櫳諸天鳳降西陽雨白日龍飛少女風  
遙憶遠公棲隱處祇今竹院老梧桐

酬友

趙善增公受  
涇縣

十載此離歎索居鬚眉無恙賦猗歟白猿何處曾傳劍  
黃石相逢應授書廊廟急需梅鼎七絲綸暫借渭濱漁  
拭瞻龍德乘時御噓氣成雲蔭六虛

贈石城徐公

曹大獲尚白  
黃岡

斂盡鋒鋌不可知纔親戎務繫安危脫巾釁釀驕兵日  
請命情馳借箸時事後共推仁者勇誠求須識正中奇  
擁旄處處談攻取應念和爲百萬師

金陵返權

任道立修符  
大興

恰宜順水扶青舫更有輕風下翠微浪穩不驚鸚鵡睡  
天空巧蹴鷺鷥飛山根跂足橫江過石髮森鱗着雨肥



咫尺金陵雲際見春帆好趁片時歸

秋夜會飲

鄧林尹 虞山大興

博山小篆夜迢迢澹景空涼入座遙春酒欲輸俠客劍  
秋聲不讓美人簫開懷定以香爲草得句難將李報桃  
好雨暗隨殘柝盡蓼紅清淺向人燒

雨次桑園翁寶林陸子振

信使追送却寄

曹禾 峨眉江陰

去國日行三十里惡風跋浪已經旬蕭蕭暮雨來何處  
黯黯荒村悶殺人忽訝遠鴻投寂寞旋烹雙鯉見情親  
天涯不分窮途哭詩興從教醉後新

次荅

李何煒 緩山河陽

嶺表湘臯路未岐劫灰再冷鶴歸遲可憐顧悅秋零日

正是蘇耽夜哭時讀盡水經多曲折飛殘鴈影失參差  
相思不改同人面欲葺荷衣待柳絲

潘次耕書來

顧炎武 寧人崑山

年來行止類浮萍雖有留書未殺青世事粗諳身已老  
古音方奏客誰聽兒從歿父傳楹語帝遣生徒受壁經  
投筆所然成一笑春風綠草滿階庭

大禹廟寄翟象陸方伯

王一翥 子雲黃岡

重登禹廟望三湘憶挽龍門砥柱狂楚國雲旗新薜荔  
晉時簫鼓舊衣裳春陰滿院池生草夜雨空山石化羊  
夷皓不堪頻寄語恐將遺恨付斜陽

寒具

劉漢系 王孫貴池



盤中幾片嫩香生不換春醪錦帶羨犀櫛有痕皆屈曲  
金釵無數且縱橫自煎幢碧多相似竟染鴉黃半未成  
何必玉人纖手捻始同煙禁得嘉名

送葉井叔還黃州

錢金甫越江上海

自愛清江採白蘋遂攜襪被拂紅塵舉頭却望長安道  
高足從他要路津天與優閒供翰墨人從晚節見松筠  
聖朝宣室多膺召此去無須歎積薪

別江非諾清風書院

劉效曾東臯潛江

握手方城五月初清風吹我日徐徐逢人何敢評高士  
對子真如讀異書南國故人多寂寞漢江秋浦亦欷歔  
君家舊有離情賦莫寄咸寧老蠹魚

九日次韻

張三異禹水漢陽

逆旅欣逢九日臨解衣脫帽恣幽尋沿籬菊蕊迎風綻  
傍水雲根度石陰聽遠忽來前浦笛釀寒微送隔村砧  
今朝盡把閒愁遣笑對清江一醉吟

自廣陵冒雪赴河東軍幕

龔雲衢首驤武進

寒空飛雪黯離情楚客西征過洛城彌望遠山鄉思苦  
乍聽風木客心驚行當日暮惟揀醉年到知非豈愛名  
關吏共看鬚鬢改笑他曾學棄繻生

大梁懷古

張宰合一信陽

嶠汴安危繫一河王侯第宅委金波塵飛梁苑歌聲歇  
月落夷門鴈語多樓上巢居悲土滿天邊源遠羨槎過



重來訪舊惟登塔，悽斷霜風戰薜蘿。

再過赤壁有感

堵 凝 漢天柱

樓頭喜復開生面，再拜重來揖故侯。壁下只今堪舉網，海南何事又行舟。文因忘刻翻增價，地得名賢足暢遊。不是謫居團練使，誰將兩賦動千秋。

蒯文通墓

洪 昇 助思錢塘

蒯通當日說淮陰，數語深謀見古今。菹醢空懷酬漢志，佯狂不改吠堯心。荒墳月冷狐狸臥，枯樹風悲鳥雀吟。傳道精靈時出沒，劍光燈影夜蕭森。

桃花洞弔息夫人

李咸有 躬賢漢陽

傾國桃花惜楚城，只今依舊囀春鶯。自知不歎難為態，

我說無言尚有情。積怨空留千種恨，報恩未許一身輕。近來婦女多忘事，又教夫人感慨生。

過西帆讀書處

吳景直 輯生歸安

尋君三月落花初，正值溪頭看打魚。半榻低徊其奈雨，小舸沿溯未通渠。直云泛愛非求友，豈有違心是著書。肯向世人輕許可，只今誰是馬相如。

代贈

余國楷 雲樵大冶

冰為奪潤水為清，疑是飛瓊下玉京。扶起太真愁力少，却嫌飛燕過身輕。歌來白雪無雙調，彈得涼州第一聲。非是多情偏重色，相看原自擅傾城。

送蓋思南歸

劉雷恒 震修無錫



征鞭擬向望仙行忽復南轅愴客情雲裏飛鳧看獨去  
琴中別鶴聽無聲微名空累合顰待歸夢猶疑倚幌迎  
我亦年來同灑淚願因簡寂悟浮生

辰龍關

朱雲渭煥公宜興

淡蟠絕壁立天關鳥道飛空不易攀斧鑿剛能通數尺  
車驅半欲住前山如臨北極辰星下却望南雲指顧間  
此日壺頭堪躍馬無人重說五溪蠻

酬李劬菴

吳驥既開景陵

三正令節自占雲陸海因窺學殖勤蕭散傲人除作吏  
騰驤見爾暫從軍巢書更許通鉛槧泥飲何當濕緼膾  
燕寢諒無驚蜨夢梅花消息竟難分

雜懷

謝良琦獻菴全州

蛾眉能復幾時憐不忿琵琶誤少年秋水荻蘆江上月  
灞橋楊柳望中煙愁窺白髮新無夢香褪紅綃舊有緣  
說與後堂諸姊妹三春花鳥漫畱連

過武陵桃源洞

敖巘山來無錫

桃花已隔武陵春九曲溪頭學問津鷄犬不嫌行路客  
桑麻應老避秦人一堤綠水奔千澗兩岸青山繞四鄰  
身到仙源方許記莫傷憔悴誤風塵

臨潼人日登鬪寶臺晚眺

董元愷舜民武進

驪山遙望海天開勝節初逢霽色回日暮金屏搖細草  
春寒玉笛落殘梅風生長信畱餘燼雲散昆明有劫灰



清言初集  
最是荒臺人寂寞青燐白骨委蒼苔

卽事

卓天寅

亮菴  
武康

彤墀淡鎖禁城霜匹馬東來歎夕陽皂帽移家辭鴈磧  
黃金歸路出龍荒五湖客到秋聲遠三徑門開落木涼  
回首功成諸將相幾人匡坐在滄浪

山夜

顧萬祺

庶其  
吳江

林莽森森夜氣清獨居無寐屢成驚虛窗木客窺燈火  
破廟妖魑點吏兵短霤吸風疑鬼嘯空廊捲葉儼人行  
何當一夕頭堪白不見荒鷄報五更

古松

諸匡鼎

虎男  
錢塘

沈氏庭前雙古松雌雄何事得相逢三秋結實攢高蟻

四月開花聚野蜂頂上時看玄鶴舞根邊長有白雲封  
相傳本是梁陳物黛色參天欲化龍

暮歸昭慶

姚文燮

羨湖  
桐城

回首吳山隔翠微晚風秋早薄羅衣舟從楊柳陰中返  
人自荷花香裏歸遠寺鐘催煙四合漁郎篋起鷺雙飛  
樓臺覓醉迴廊靜濁酒新嘗芡藕肥

林茂之先生重來廣陵感贈

汪楫

舟次  
休寧

不到揚州五十年當時景物未茫然聽鷓尚憶隋隄柳  
沽酒都非萬曆錢隔代風流悲故舊三朝聞見薄神仙  
只愁處處桑田改數問城西第五泉

烏瞻山

王廷璋

德威  
仁和



絕頂孤峰俯碧流，片雲猶為故人留。松杉半挂千林曉，薜荔高懸五月秋。地控東南湖水闊，天連吳楚洞庭浮。陰巖突兀何由到，只有寒鴉在上頭。

宜豐署中喜晤蕭孟昉

蔣 鏜 武進

經年浪跡豫章城，欲寄相思一水盈。只有疎鐘停客夢，更無聯榻共秋聲。幾邀芳訊遲君至，得接清談快此生。香徑春浮何日到，臥遊終自不勝情。

塞外春雪未消思歸闕地種竹

張 琴 桐仙

今歲春光一百二，天涯無日無窮愁。女墻積雪時時在，古礪融冰細細流。萬里雲煙棲朔漠，半生詩興憶山丘。海陵草堂得歸去，多種新篁慰倦遊。

送程棊三南旋

宋敏求 谷懷

曉天玉露未曾晞，此際輕寒上客衣。魏闕獻將三策去，征鞍帶得五雲歸。風高薊北砧聲急，木落湘南鴈影稀。為問故人分手後，可無清夢到金扉。

端午前四日有感

吳琪滋 武進

烹葵插艾近端陽，燒燭歡迎客到堂。但見筵前花泛酒，不須別後月移梁。朱欄芍藥斜依石，綠水蘼蕪曲遶廊。夜半忽聞風雨驟，餘情能不弔巫湘。

九日登樓感懷

屠 焯 昭仲

朔風浙瀝捲寒沙，有客登樓落日斜。異國秋高爭躍馬，故園親老怯看花。浮江芻粟連飛輓，橫海樓船復建牙。



清言夜集  
楓葉蕭蕭萬餘里天邊城郭幾人家

題施尚白愚樓

李元鼎 梅公南昌

風高閣阜接遙汀盡說登臨似敬亭好句驚人誰謝朓  
開尊對客幾瞿硎憂時每下窮簷淚懷古重鑄座右銘  
吏散斜陽歸鳥外隔城漁唱晚峰青

武陵喜晤練石林

韓則愈 秋巖鄢陵

盱眙山寺一為別每望梁園祇愴神海外文章仍故我  
中原壇坫賴斯人相看白髮惟搔首何日黃金可救貧  
試向昭王臺畔過春風萬里絕纖塵

渡河

彭始超 扶上鄧州

北顧蒼茫感逝波十年數向此中過源從萬里人誰見

清似千年壽幾何已歎美哉空設險近聞使者自行河  
中原民力隄防盡歲歲金錢少府多

送陶三寧赴任滇中

史可程 赤豹溧陽

風高碧落曲江秋聖主宵勤萬里憂天馬閉關安寄棘  
人龍叱馭過羅浮寒沙日暖班都護葑屋春融元道州  
遙憶滇池喧負弩羨君藉甚鸕鷀裘

贈友

顧貞觀 梁汾無錫

寄懷褰屐舊風流汗漫何當事遠遊隱傍小山辭入洛  
賦成枯樹倦登樓雲間君自誇龍種天下人應識虎頭  
莫是相逢豪氣在醉憑長鋏問封侯

寄懷馭鹿

毛羽宸 公阮武進



萬里乘風韋帶輕空人意氣滿燕京支頤豈爲探山去  
濯魄應知笏月行醉倚九天看玉戲曾羅五嶽對金莖  
南皮勝會今何似還憶江東阮步兵

朗陵書寄龍谿諸子

王田年耕書宣城

爲愛壺頭馬伏波開尋石窟雪霜多謀生奔走仍烽火  
作客饑寒又病魔香草但畱三楚句黃鱸遙寄六朝歌  
幾時歸釣龍谿上夢穩漁舟覆短簑

晚晴

楊楷端木武進

連朝惆悵百花殘乍見晴光分外歡雨氣未除雲擁翠  
苦痕猶溼月生寒玉壺攜酒初嘗筍蠟屐迎香且看蘭  
第勸兄酬共消遣今宵料得醉眠安

遊寒溪寺

黃澍仲霖休寧

試將藜杖撥雲開面面山光鬱自猜三石因緣同笑處  
一天風雨送愁來不貪古德桃花飯爲奪他人傀儡杯  
輕薄劉郎自佻達元都觀裏取詩裁

武昌署中送客之滇

卜陳彝簡庵秀水

李郭仙舟得並過匆匆欲別柰君何樽前夜漏應嫌短  
客路風光已占多今日楚山同祖帳幾時金竹問明河  
賢豪事業乘時立好寄雄心與伏波

出門

鄒漪流綺無錫

清秋風雨暗湖濱其柰饑驅又出門望裏雲山看遠近  
夢中親友記寒溫前途野騎寒花驛畏路孤舟落木村



不必陽關三疊唱隔溪歌吹已銷魂

邗關夜步

吳亮中

寅仲嘉善

千家燈火映紅粧九市笙歌沸月黃散盡斗金人未醉  
撥殘銀蠟夜偏長簾深豈信朝應旭煙煖由來曉不霜  
從古騷人潦倒地獨慚顧况更清狂

爐峰

翁介翁

武原錢塘

知已同遊逸興濃一時把臂撫蒼松臥樽野鹿巢幽谷  
坐見飛花落細茸世外滄桑千里合村中煙火萬家封  
還尋勝跡忘歸路遮莫天台采藥逢



